



ル 5  
3163  
10





門 儿 5  
3163  
卷 10

東湖縣志卷二十二

藝文志

七言律詩

唐

松滋渡望峽中

劉禹錫

定州

渡頭輕雨灑寒梅  
雲際溶溶雪水來  
夢渚草長迷楚望  
夔陵土黑有秦灰  
巴人淚應猿聲落  
蜀客船從鳥道迴  
十二碧峰何處所  
永安官外有荒臺

峽中嘗茶

皮日休

簇簇新英摘露光  
小江園裏火前嘗  
吳僧漫說雅山好

東湖縣志卷二十二 藝文

昭和十四年  
六月十七日  
購求



菊叟休誇鳥嘴香  
入座半甌輕泛綠  
開緘數片淺含黃  
鹿門病客不歸去  
酒渴更知春味長

荆門山

李真

嶙峋峭壁啟天塹  
吞吐煙霞控地紘  
翠色遠矚下荆門  
紅塵不到八風清  
魚吹浪湧金城影  
鳥語林傳鐵鑿聲  
形勝依然全楚據  
漫勞彭濬競功名

宋

冬後三日陪同丁元珍遊東山寺

歐陽修 廬陵

幕府文書日已稀  
清樽歲晏喜相攜  
寒山帶郭穿松路  
瘦馬尋春踏雪泥  
翠蘚蒼崖森古木  
綠蘿盤石暗深溪

為貪賞物來猶早  
迎臘梅花吐未齊

羹陵歲暮書事呈元珍

本傳元珍判荆門官表所推官

歐陽修

蕭條鷄犬亂山中  
時節崢嶸忽已窮  
遊女髻鬟風俗古

野巫歌舞歲年豐  
平時都邑今為陋  
敵國江山昔最雄

國時吳蜀戰事於此荆楚先賢多勝迹  
不辭攜酒問隣翁

處士何處多知荆楚故事

戲答丁元珍

歐陽修

春風疑不到天涯  
二月山城未見花  
殘雪壓枝猶有橘  
凍雷驚笋欲抽芽  
夜聞歸鴈生鄉思  
病入新年感物華



曾是洛陽花下客野芳雖晚不須嗟

初至虎牙灘見江山類龍門

歐陽修

曉鼓潭潭客夢驚虎牙灘上乍船行  
山形巖嶽龍門秀江色不如伊水清  
平日兩京人少壯今年三峽氣崢嶸  
臥聞亂石淙流響疑是香林八節聲

龍興寺小飲呈表臣元珍

歐陽修

平日相從樂會文博臬壺馬占朋  
分罰籌多似鹿陽矢酒令嚴於細柳軍  
蔽日雪雲猶靉靄欲晴花氣漸氛氲  
一掃萬事皆毫末螺贏螟蛉豈足云  
會不種花惟栽楠木冬青茶竹之類  
因戲書七

言四韻

歐陽修

結綬當年仕兩京自憐年少體猶輕  
伊川洛浦尋芳徧魏紫照眼明  
客思病來生白髮山城春至少紅英  
芳叢密葉聊須種猶得瀟瀟聽雨聲

松門

歐陽修

島嶼松門數里長懸崖對起碧峰雙  
可憐勝境當窮塞翻使流人戀此邦  
亂石驚灘喧醉枕淺沙明月人船窻  
因遊始覺南來遠行到荆江見蜀江

黃溪夜泊

歐陽修

楚人自古登臨憾暫到愁腸已九迴  
萬樹蒼煙三峽暗



滿江明月一猿哀非鄉况復驚殘歲  
憫客偏宜把酒盃  
行見江山且吟咏不因遷謫豈能來

至喜一作虛堂新開北軒手植楠木兩株走筆呈元

珍表臣

歐陽修

爲憐碧砌宜佳樹自劬蒼苔選綠叢  
不向芳菲趁開落  
直須霜雪見青葱披條泣轉清  
晨露響葉蕭騷半夜風  
時掃濃陰北窻下一杯問且伴衰翁

離峽州後回寄元珍表臣

歐陽修

經年遷謫厭荆蠻惟有江山興未闌  
醉裏人歸青草渡  
夢中船下武牙灘野花香落風前亂  
飛雨蕭條江上寒  
荻笋鱗魚方有味憾無佳客共盃盤

三遊洞

趙抃

峽江初過三遊洞天氣清調二月風  
樵戶人家隨處見  
仙源雲路有時通峰巒壓岸東西碧  
桃李臨波上下紅  
險磧惡灘知幾許晚來停棹問漁翁

下牢津

趙抃

拖舟百丈苦攀躋一過牢津恍似迷  
花放亂紅迎彩旆  
谷傳深響答鳴磬避人幽鳥凌雲噪  
抱子驚猿走險啼  
春岫重重春水綠却疑春在武陵溪

入峽

劉炳無考



莓苔新掃認殘碑香火初停日已西春意不緣芳草在  
客心應付鷓鴣啼江流曲折疑無路帆影參差似有楸  
見說西川頻擾擾捷音今已入封題

發荆門

范成大 江人

初上蓬籠竹窄船始知身是劍南官沙頭沽酒市樓暖  
徑步買薪江墅寒自古秦吳稱絕國於今歸峽有名灘  
千山萬水垂垂老只欠天西蜀道難

三遊洞前巖下小潭水甚奇取以煎茶

陸游 山陰

鞋滑不妨潭邊聊得據胡牀巖空倒看峰巒影  
礪遠中含藥草香汲取清甕牛乳白分流觸石珮聲上  
囊中目鑄傳天下不是名泉不冷嘗

明

九日登葛道山

何璋

天馬崔嵬霧靄開峻嶒筆架小蓬萊三游雲擁千峰合  
五隴煙收萬壑哀楚水晴光搖劍戟西陵樹色隱樓臺  
安期寂寞瀛洲遠誰駕飛鴻海上來

送陳兩峰歸夔陵

張居正 荊州

清時甫上太平書何事還尋江上屠驛路風花隨處好  
河橋煙柳望中疎白雲親舍思多少青草池塘夢有無



自是錦堂宜介壽歸來端不爲鱸魚

葛道山

巡撫張九一新蔡

丹楓蕭瑟水潺湲片石侵雲控楚關日下氤氳流夢澤  
天寒地落見巫山他鄉物候悲歡裏遠道風塵去住間  
不是使君能泛菊江州逸興更難攀

黃陵廟

張九一

黃牛朝暮望驚春此日維舟白馬津古廟空山存漢榻  
屠羊伐鼓過江人九河注海猶稱異三峽開天始見神  
應其長年歌賽酒衣裳鱗介仰陶鈞

西陵別慎軒居士還蜀

袁中道公安

霜楓如雨濕征衣勝侶於今會漸稀帝子已安仙客去  
鶴羣無主道人歸粵粵水學蠶頭法片片雲呈塵尾機  
不是倚門親在舍西陵那忍遠分飛

送羅服卿還彝陵兼柬陶孝苦

袁宏道

缸花吹盡綠盃重惜別綿綿話曉鐘雙鬢奚奴肩繡裊  
一鞭駝馬出芙蓉但知作叙干皇甫未覺籠鬚笑土龍  
寄語歐公門下士青鞋將遜紫芝峰

黃陵懷古

宋琢江西

蒼黃一徑白雲封三顧恩深起臥龍道出黃牛籌戰守  
祀修白馬報勲庸秋風不老隆中樹溪月常懸劍外峰



東坡志林卷二十一  
大業無慚傳萬古思君到處有遺踪

趙中丞邀尋三遊洞葛仙峰因懷曾中丞王銀臺

劉一儒 邑人

江天新雨浪花浮錦纜徐牽過石洲洞口瑤花誰共采  
林間鳴鳥自相求行歌到處風生席簫鼓中流月映樓  
開府清新誰得似看君幽意狎羣鷗

秋日同熊憲使韓憲使張助甫藩參何國珍水部

吳約卿侍御尋三遊洞分賦四首 劉一儒

斜枕郡城樓石洞高懸最上頭秀削芙蓉天外出

雲樹鏡中浮濤聲東注翻巫峽雨色西行暗楚

鷗鳥狎人間自舞亦知吾意已虛舟

其二

層巒迴合儼枋櫳樓闕雙開杳靄中華表鶴歸留曠色  
虛堂人語落秋空山腰玉髓含雲白石竅丹砂浸日紅  
入夜振衣攀絕巘簫聲疑在月華東

其三

洞門深處碧雲多萬木森森鳥自過短棹乘風看石壁  
長鏡隨鳥入藤蘿溪流淺水寒仍綠草沒遺碑斷欲磨  
下瞰澄波橫素練黃昏漁火帶星河

其四



東漢書 卷二十一  
山蟠楚塞控三巴谷口招尋此更嘉落日荒荒悲鳥道  
炊煙漠漠隱人家參差月宇千峰合窈窕雲門一徑斜  
解珮同君還北望遙瞻紫氣滿京華

喜玉檢至彘陵

李蔚 荆州

征車有約爲前驅緩策東垣計與俱每到郵亭留姓字  
相逢客邸易歡娛僦居即便東西近得酒何妨朝暮呼  
萍跡故園應未審音書曾記峽中無

漢景帝廟

陳禹謨 邑人

七制之中第一君誰將廟貌立江門祇緣鼎足三分臧  
天潢一派尊寂寞翠華迷野徑虛無玉殿隱山

更看西渚廟相近兩地千秋禮祀存

秋過姜孝子祠

陳禹謨

幾回峽口夕陽看把酒高歌興未闌大孝祠存松幹老  
孤忠人去草堂寒茫茫楚塞江光亂渺渺荆門鴈影殘  
極目騁懷應弔古滿天秋籟落江干

寄雷何思

袁向 荊州

龍山春雨鵲磯霜離合那禁歲月長愧以蕭蕭蓬鬢客  
羨君楚楚秘書郎才名自昔誇龍劍詞賦於今重栢梁  
明月清尊能念我洞庭時有鴈南翔

春興

雷思霈 邑人



信是彝陵春色好高唐倏盡見虛空秦灰漢壘千年跡  
白糝紅酣兩岸風天外晴山朝霧裏城頭水閣夕陽中  
畫船直上南津口釣艇時來西塞東

黃牛山

雷思霈

牛星不合開生面龍漢何年有畫師攘袂督郵分畧後  
懸巖爐竈繫舟時一江萬里獨當險三峽千峰無此奇  
青點石泉甘且冽山經水志未曾知

東郊飲陳悅甫和陶孝若羅服卿韻

雷思霈

南郊東嶺地偏奇水閣茅堂醉更宜野菜當茶乳者  
村醪如乳遞傳卮雪殘竹葉迴松葉春送梅枝到柳枝  
我欲荷蓑兼帶笠莫教樵子牧人疑

石柱山吟

薛東無考

根在乾坤未判前不施斧鑿自天然峰巒翠律孤擎月  
山勢嵯峨半插天冬雪凝寒排玉笋晚霞飛彩簇金蓮  
可憐臺榭常興廢惟有茲山不記年

三遊洞

陳琨

三遊人去鬱蒼蒼洞口蟬聲惱夕陽苔氣荒涼餘霸業  
碑痕斑駁見文章雲奔絕壑聽疑雨乳滴寒巖凝似霜  
乘興不須憑弔古口開杯到莫相妨



平江閣懷古

陳琨

一天春色與江分，攜酒登臨又落曛。  
燕歿故城餘廢址，蒼茫西塞鎖晴雲。  
崖前忠孝千秋祀，峽裏平城萬古勳。  
徙倚閣中舒倦眼，荆門山水自氤氳。

遊墨池飲陳公調聚星閣

王維章 邑人

迎人爽氣照深杯，徙倚慚無作賦才。  
楊上遺書充棟起，堦前叢桂倚雲栽。  
仙池滌墨痕如篆，古鼎沉煙碧似苔。  
百尺樓高無限好，東山圖畫為君開。

黃牛峽贈別

明大 王應熊 渝州學士

峽裏東風送我西，桃花潭上踏歌時。  
黃牛應不須朝暮，

青髻能堪幾別離，月色故人千里共。  
猿啼驛路寸心知，峨眉汶嶺吾家約。  
藜杖雖遲踐所期。

三遊洞

郭維藩

不辭杖履躡崔巍，萬仞丹梯鳥道迴。  
誰闢地靈通楚塞，直凌天險辨秦灰。  
濤生江底黃陵轉，樹掛雲端白帝開。  
惆悵元和遊覽處，誰知塵世有仙才。

三遊洞和石上韻

李雲

呼兒酌酒待詩成，靜裏秋光分外明。  
五客重尋三友洞，四山迴合一溪鳴。  
碑殘苔護驚人句，樹老猿啼出峽聲。  
日暮拂衣還徙倚，懶於石上自題名。



東山寺

陳爾鼎

歸來自分老幽岑古寺秋高一杖尋峽口雲封樵路穩  
荆門煙鎖棹歌深山僧頻說當年事江月應知此夜心  
度嶺松風聽欲盡間敲清磬伴孤吟

督師西陵登東山寺

楊嗣昌 武陵

西陵十日雨初暘岸幘登臨又一方江上數峰尖似蜀  
牆頭叢竹美於湘頻資警策飛戎幕頗獲佳音送帝鄉  
不似廬陵遷客意故樓雖遠亦何傷

姜詩溪別業

文安之 邑人

汲取甘泉浣鬢絲北窗桐院夜涼時夕陽江閣山中帝

明月深溪孝子祠百折孤峰輕竹杖數家煙火隔疎籬  
莫言日暮非長馭春盡看山正未遲

其二

煙江沉網立漁簑東郭先生首自科薄醉久無中使促  
夜歸終畏霸陵呵雲連西塞廻青嶂樹繞清流旋綠渦  
爲傍赤溪依舊隱月明清坐扣舷歌

秣陵將歸先寄同社諸子二首

文安之

綠樹青溪舊隱居十年兩趂石城魚偶尋奇勝依華渚  
久向交遊缺素書著似東方客難後賦慚楊子逐貧餘  
鱗鱗新水還家近芰製香迎夏簟初



其二

沙邊繫舸計新晴半壓圖書舉棹輕暑冷不妨歌鳳出  
江寬堪作狎鷗行帆臨青草霏煙渡家在黃梅細雨程  
搔首天南望天北近緣飛羽益心驚

江上四首

文安之

蘭橈衝雨破輕寒日盡江陵四百灘茁岸荻芽春揭揭  
迴溪柳漲綠漫漫巖壘石時妨轉徃鷺還鷗劇不乾  
歸去綠蘿行藥在抱書菴外把魚竿

其二

原隰沉陰麥未齊仲春時過尙淒淒殷雷似向澄潭發  
苦霧遙從一水迷數有魚簪依白舫更無酒幔帖青畦  
不知逆浪原何急坐向孤村畏解攜

其三

非關峽口滯詞人想像時危獨慘神幾處催科愁到骨  
一樽遲暮便沾巾風塵帶甲寰中滿雨雪傳烽內地頻  
昨歲健兒今歲過急須遼海一防春

其四

花濺紅泥樂事違青鞋怯濕澹忘歸攜家無地難兼隱  
有淚憂時敢盡揮流瀨挾雲寒作勢野田將石亂成圍  
徘徊欲問蘼蕪道江路空濛隔翠微



軍中寄鐵菴相國

張同做

與公同地讀公詩故國烽煙有所思治亂累朝留舊學  
艱難千里詔王師二陵吾郡符先後公夔陵先祖九廟  
多年賴護持想到恢京如拯溺蒼梧風景曉秋詩

國朝

還里過黃牛峽

大學士張鵬翮遂甯人

江行惟見白鷗飛葭已蒼蒼露未晞秋水連天千  
里去暮帆載月一人歸波光晶晶迷沙岸石磧重  
重蕩釣磯不待猿啼三峽夜傷心自有淚沾衣

登士閣

張鵬翮

高樓極目對斜暉入座清風點翠微綠水蒼山頻  
悵望楚雲蜀鳥任孤飛黃牛古渡煙波靜白馬空  
洲戰艦稀聞道三軍收益郡席前歌舞解重圍  
觀兵入蜀

羅宏備邑人

貔虎中流擁戟鋌蠶叢魚復摠喧聞火雷燒斷公  
孫鎖鐵甲堆成鄧艾羶諸葛陣圖新壁壘巴人貢  
道舊樓船嶺猿具有將軍臂十二峰頭學控弦

泊青草灘

羅宏備

江頭落日浣春衫對此茫茫思欲芟山勢似曾加  
九錫水聲端不守三緘經年戰骨埋青草幾處烽



煙斷白巖笑引寺僧間極目來舟不是舊征帆

宿姜孝祠

羅宏備

祠內荒臺作佛居祠前古渡冷樵漁殘碑無字同  
秦立歸殿靈光異魯餘出壑鐘聲依浪遠隔江燈  
影入林疎逢僧懶說逃禪事獨立甘泉憶往初

兵後過栗園訪陳五玉介中

羅宏備

河山破碎摠滄桑猶復騎驢問辟疆半夜鳥聲悽  
壞木一堆馬骨補頽牆鶯花應作先時業詩酒仍  
餘此日狂獨念元龍豪氣在更於何處置匡床

三遊洞

羅宏備

僻徑蒼涼轉石開斷碑無字掩蒿萊埋雲古洞陰  
猶煖出險餘峰勢欲回吳蜀戰功隨水逝白蘇芳  
躡引人來登臨一日千秋事我輩何能不舉杯

再遊三遊洞

羅宏備

繡斧芒鞋早辦裝重來攜酒興猶狂臨風野嘯隨  
溪響出谷春衣帶草香洞口土花封古字山腰人  
影動斜陽捫巖姓氏誰堪語一片寒碑白侍郎

西城間眺

陳士望

高樓重闕俯江流峽口煙濤一望收樹色參差舒  
倦眼水光上下寫清秋  
閒孤岫看成塔沙際輕



舟望若鷗倚遍危欄逢老衲枯禪也自雪盈頭

雙泉道中

龍爲記

漸入深山山漸深翠蒼滴滴落層陰榛迷小徑無人跡石隱危橋有鳥吟靜侶擔從溪外歇良朋宅向樹邊尋依稀谷口炊煙起雞犬交傳喜不禁

思汕魚膾

龍爲記

峽江春深桃花水漲魚隨波汕子萬艇聚網取魚棹歌之聲通宵不倦亦峽州諸景之一也尋風塵日久未遂勝遊徒托諸懷想已耳

煙雨橫江出畫圖桃花水漲汕春魚宵傳棹裏歌

聲冷曉掛船頭罾影疎張翰臨風思正切馮諼撫

一缺叩方初五侯雅欲調鯖鱠漑釜持螯幸有予

一夜抵彝陵

太史方象瑛遂安人

舟車半載道途間喜泛輕橈萬里還日暮寒雲流斷峽夜深斜月冷空山灘聲乍轉黃牛驛帆影遙一分白虎關望裏風平江水濶彝陵今日喜開顏

元日州城卽事

羅宏籲

東山紅上千林旭北郭青浮萬井煙老我鶯花經歲眼看人裘馬正芳年平原草色凝霜溼隔苑梅梢閒柳妍一段勝因閒裏結茗香怪石點清泉



登葛道山

羅宏顓

稜稜絕壁見蒼顏  
載酒攜筇試一攀  
斗勺江城沉眼底  
彈丸天地老人間  
峰頭獨抱雲根動  
煙際低看隼背還  
頓覺冷然風雨夜  
不知此處有丹山

荆門

羅宏顓

灘響猶疑萬馬奔  
傷心中有未招魂  
羣山依舊翻江影  
亂石排空落水痕  
莽莽寒雲迷峽口  
荒荒白日下荆門  
即今西塞烽煙絕  
幾度停舟感夜猿

郭洲春望

戈保泰

逆勝汀洲載酒過  
楚航風細引晴和  
無端怪石衝人立  
不斷遙峰學水波  
芳草出時連雨氣  
暮煙起處有漁歌  
醉來亦有兒童興  
拾得蘼蕪幾許多  
避地石巢步陳芥  
舟見懷韻

劉廷億 邑人

移家深就遠峰棲  
多難關心夢不齊  
十畝閑桑維戰馬  
千村亡屋絕啼鷄  
沸來魚目終為水  
嚼出商聲只見蘼  
竹樹荒涼悲故里  
伊人遙隔碧雲西

送劉自怡歸彝陵

禮部郎中 彭 杭州人

萬里荒原覽故都  
十年詞客散江湖  
離家王粲仍之楚  
變姓梁鴻早適吳  
雨過荒村煙樹合  
天連巫峽暮帆孤  
臨流每有懷沙恨  
哀弔終須賈大夫



絳雪堂懷古

李森

高踪久矣費招尋側足詞壇懍素心丹藻離離新  
棟宇清芬隱隱舊花陰退思政本當年切寤想先  
賢此日深莫嘆春風虛絳帳羹墻却許伴孤吟

登孝子巖

陶大任

嵌巖激石俯洪波盡日舟行劈岸過山接洞雲翻  
峭壁泉通曲澗出盤渦蒼茫峽水秋天合咫尺江  
城煙霧多愛我瑩田隣勝跡年年載酒對名阿

酬友人登葛道山之作

雷振邑人

看山未到此山巔舊跡無從問葛仙影落江波青

過岸勢凌霄漢翠浮天呼朋有約每丹竈拄杖倚

緣撥暮煙一自驚人攜好句南牕卧對亦悠然

秋日偕洪名臣海躍遊東山寺有感

大學朱鳳翥秋人

掃塔披榛嘆隔泉聞君消息已潸然時老僧韶光

暗逐駒過隙華髮徙驚雪滿顛野徑細聽山鳥啾

豐碑高卧夕陽煙間來登眺牽愁緒懷古茫茫感

逝川

遊松隱菴

朱鳳翥

徙倚危樓矚楚天乘風如駛蜀江船欲隨鴻鴈飛



雙翼却望雲山阻一川遶寺蟬聲催木葉隔林漁  
唱破溪煙年來疎懶真成癖擬向祇園借榻眠

五隴山

朱鳳翥

隴上農桑蔭綠肥山城帶郭望依稀煙生舊井光  
初暝雨足郊原翠轉微牛背笛殘邀夜月柳塘花  
發隱漁磯間來結侶登高處一片蒼茫對夕暉

重遊鎮境山

張天然 邑人

間倚危欄續勝遊花枝依舊近高樓雲中鴈影衝  
風過樹裏人煙隔岸浮渺渺荆門千頃碧遙遙巫  
峽一天秋平西廢壘今安在剩有空江水自流

黃牛峽武侯祠

柳大蔭 邑人

西川誰薄帝王州亘古風雲最上頭缺陷伊周一  
孺子卑微管樂兩諸侯荆江勢阻偏安蜀天日光  
分尙姓劉異代蕭條祠廟在灘聲猶自咽黃牛  
康熙戊戌春城北曾氏草堂梁間燕乳四雛其一  
徧體瑩潔如雪疑自瑤島中來者遂紀以詩

顧綸炳 邑人

霓裳竟出烏衣種練質殊超越鳥胎掠地乍觀團  
雪舞啣泥爭看寸珠回疑從昭漢宮中見應向關  
元夢裏來不是尋常天女伴等閒鷹隼漫相猜



簡郭梅谿乞竹

何毓秀 邑人

爲愛浮筠覆藥欄肯燒玉版佐朝餐  
南湖杜若香同瘦西郭茶藤月共寒  
問字客來陰作席抱琴人至籜爲冠  
奚童草就平安報日日柴門一探看  
戊午過姜孝子祠有感

何毓秀

幾行枯淚黯江流又過蘆林古渡頭  
殘碣易增陵谷恨甘泉難洗古今愁  
慈烏林外聲聲血苦竹叢中淡淡秋  
留得此身身漸老白雲斜日雨悠悠  
冶帥府翠嵐軒落成寄題

何毓秀

帥府層軒結構初天邊嵐翠滿塔除窓  
迎葛道懸荆門山見說巫峰到眼青  
荆門十二亦如屏雲連楚蜀爭天險人  
擅風騷接地靈磴走驚猿懸欲墮藤垂  
啼鳥靜堪聽江山文藻空憑弔醜酒臨  
風醉欲醒遊甘泉登孝子巖

荆門山

教諭 余陽瑗 潛江

歸興乘槎任去留淡煙斜日半江浮  
驚人主性巖岡揭絕代奇踪碣可搜  
楊柳搖春連古渡浪花飛雨送行舟  
江天物色看將晚撥刺聲中月一鉤

單宏澤 邑人



對馬山

張巖 邑人

高攀疑泛斗牛槎壁壘層層舊漢家人度長林啼  
謝豹徑封敗葉走修蛇兵戈委地消殘劫草木干  
霄老歲華空剩巖巖山一帶蒼茫四顧滿天涯

三遊洞

郭相業 邑人

覓得南津載月舟風帆羅曳湖江流雲歸絕澗遺  
荒壘乳滴殘巖老素秋大傅才名山鬼護元和勝  
蹟暮煙留停杯欲問桃源路一夢蕭蕭枕石頭

荆門

石振金 邑人

萬壑江聲響次寥猿聲終古咽寒潮山存  
荆塞事去千秋說漢朝蛇蟻盤旋依虎腦將軍徒  
倚傍仙橋當年要害爭雄地一任漁舟慢櫓推

桃花魚

羅潛 邑人

浮沉何處結根荻為蕊為鱗總費猜燕子磯頭  
不去漁翁江上打難回躍淵纔似臨風下在藻還  
疑照水開未是武陵溪畔路年年空惹問津來

東山秋望

羅潛

城東極日望城西秋色平分處處齊幾點白雲峰  
隱見漫山黃葉路高低楚江峽靜元猿嘯塞上風  
高苑馬嘶急暮寒砧催日落徘徊嶺上客懷悽



絳雪堂所植紅梨花復茂爲平園林明府志喜

署知府 謝仲坑 陽春人

楚樓相過日盤桓公牘塵清院落寬千載芾棠重  
手植一枝春色倚欄看芳魂不餒微遺澤往哲爲  
師見蒞官葉悵風流成歇絕尊前興到許追歡

送何公樵都閣歸養

進士 梅雲程 南城人 知縣

碧樹蒼煙隔楚關片帆高掛載秋還錦江風拂牙  
檣動蜀塞雲歸玉帳間笑着彩衣娛白髮肯攜筇  
杖入青山遙知草閣徜徉處一逕幽深細菊斑

呈林明府

教諭 萬綿祖 黃崗人

一種牢落歲云秋漫把琴書轉欲愁豈意烏銀  
署出不須紅腐太倉求欣持釜盎齋居飽得共兒  
孫笑語稠薄宦西陵生計拙囊殫頻仗使君謀

送林平園之任東湖

貢生 汪 軾 武城人

毛生捧檄動權顏一舸南來日下還月夜調琴臨  
蜀隘花前倚鶴對江關能從鴈序三湘上不過蠶  
叢萬仞間此是古來騷賦地未須牢落厭荆蠻

一床風雨聽鳴鷄二十年來客路迷目送鴻飛南  
浦上心隨月到楚江西行經石馬祠前過時有鷓  
鴒山下啼花吐紅梨文讌處歐公德業可能齊



新秋出郭遊東山寺

訓導 趙汝揚 荆州人

空齋閉戶正歌商出郭幽尋趣晚涼茅屋幾家山  
稻熟陂塘十里藕花香鴈涵疎影橫秋水蟬咽殘  
聲送夕陽更上東山憑一望江天畫意正蒼茫

舟過黃陵廟

舉人 熊學騏 南昌人

扁舟又下黃牛峽帆影衝寒戀夕暉疏鑿功傳神  
禹蹟指揮節擁蜀師威奔濤直與山爭立怪石驚  
同鳥欲飛懷古渾忘身是客霜華和雪點征衣

次黃學博九日登南樓作

蕭紹祖 泰和人

江城風物自清華回首晴川天一涯漫道舊遊真

若夢須知老眼更無花南樓對酒還邀月冷署

山莫憶家日暮鄉關空悵望間雲片片送歸鴉

九日登東山寺

蕭紹祖

何處登臨縱遠眸東山古寺足淹留南湖幾點殘

荷碧西塞千山落木秋此日高吟懷六一當年盤

石障飛流徘徊還許邀新月醉摘黃花插滿頭

初夏登夔陵至喜亭

陸鴻 湖州人

艷瀕瞿唐幾日還江亭遙認水雲關乍浮乍沒渡

前渡半雨半晴山外山明月帆飛風正好黃陵花

落夜初間濁醪破戒邀僧話一解天涯顛顛顏



洗墨池

陸鴻

望中山翠逐煙開拂面輕風入座來花點空潭濃  
似錦霧含香草碧於苔勝遊誰伴新題壁考古徒  
傳舊有臺始信磨人千古事池邊淪落半奇才

九日登郡南樓

教授黃鶴鳴漢陽人

塵鬢年來半已華登臨忽更怨天涯峽雲不省當  
時夢岸菊還開此口花富貴幾人曾跨鶴江山在  
處好為家莫因旅病愁佳節西日黃陵又暮鴉

新復爾雅臺呈林平園明府

黃鶴鳴

疏經臺圯半民廩修復甯知有後賢蔓草和煙蔓

廢砌清池湧月上荒阡未妨隘巷斜斜入且喜

區一一傳登眺漫勞增舊感斯文如日再中天

陪嚴進士潛庵林文學竹溪同探蝦蟆培試第四

泉卽送其入峽

長樂承黃茂蘭閩人

扁舟纔過西陵峽細雨輕帆拂楚津出岫煙雲閒  
似我忘機猿鳥靜窺人尋泉遠溯涪翁派載酒重  
斟麴米春臨別自崖相送返一鉤新月正如銀

入峽雷雨大作

進士嚴思濬分宜

清時詞客落江關短棹尋春楚水間豈意風雷生  
絕壁轉疑雲雨接巫山路當峽口驚初險天入煙



巒露半斑更向巴渝聞一曲恐教遊子損朱顏

荆門山懷古

嚴思濬

漢家終始歸巴蜀楚塞西南關草萊纔見露燒連

峒上俄驚燒鐵蔽江來獠亭一戰餘殘壘火井三

炎有舊灰太息雄圖劃荆益翠華玉殿劇堪哀

聞說虎牙備天險何曾衣帶限

王師荆門十二從中斷蜀道三千自此葬土黑昆明

餘劫火月明杜宇泣瘡痕獻賊滇逆相繼屠城妖氛已共秦

灰滅尙覺江風入夜悲

西陵峽

嚴思濬

夔陵形勝自西來此日登臨爽快哉山脈遠

尾東清聲直撼峽門開雲連楚塞三千里翠壓江

關十二培戈戟消沉溪水咽雄圖幾輩出羣才

三遊洞

嚴思濬

蜀山如戟水如煙脉過西陵古洞巔出峽泉分流

乍合臨崖路斷勢還連鯨鼉響自林間出雞犬聲

從樹杪傳元白幽踪誰接武摩娑舊碣意茫然

平西往事幾風煙剩有荒城壓楚巔回首關山空

竊據傷心壁壘尙鈎連雲開久喜狼烽淨波撼猶

驚戰鼓傳更上桓侯臺上望英雄豎子總紛然地經



滇逆竊據旁有舊臺基  
土人傳是張飛擂鼓臺

登蝦蟆培

嚴思濬

欲探第四泉中勝  
苔澁蟆頤路幾重  
自入山來尋石碣  
絕無人處躡猿踪  
風生春晝飛陰雪  
波湧江心戰老龍  
桑苧仙翁呼不起  
茶園荒盡草茸茸

登紅石子小酌

嚴思濬

幾疊雲根列畫屏  
爬沙脚手躡空冥  
濤驅亂石臨崖赤  
雨洗羣山天峽青  
對酒顏開拚一醉  
沿江路熟似曾經  
猿聲啼徹春光老  
庀片輕帆落遠汀

漢景帝廟

進士 黃景 四川

派衍中山綿正統  
疆傳蜀帝拓初基  
隕星俄失康業  
班史比文載  
王猶存郡國祠  
原廟至今留臘  
居人從古薦江  
離漸漸麥秀陽  
陵遠愁聽深林

叫子規

舟泊宜昌風雨大作

文學 和推知 蒲城

楚塞城東噪晚鴉  
小航泊處盡蒹葭  
忽驚夜永魚龍鬪  
轉覺魂銷道路賒  
寒氣侵衣頻索酒  
濤聲春岸不聞笳  
從今始識江湖險  
身在江湖莫怨嗟

登鎮境山

文學 林有文 分宜

策馬間吟到上臺  
天然幽趣一樓開  
滿城風雨當



窓過千里江山入座來撫景每疑駒過隙消愁更  
許客添杯消沉戈戟知何限猶傍殘營問劫灰  
和學博黃子初九日登郡城南樓之作

林有文

廿載談經鬢有華宦遊仍傍楚天涯許心便覺沉  
秋水勵節誰能醉晚花眼底江山聊望古吟壇屈  
宋自成家南樓縱目風蕭瑟獨坐斜陽數暮鴉

林有席

夔陵城郭擁新廬晉代衣冠憶昔賢瑣屑蟲魚雷  
盡簡荒唐波浪湧高阡郭璞墓汝傳  
在中冷泉側古堂明月

年照舊事何參一老傳邑老生董秀述  
雅臺事甚悉我欲懷逸

黃叔度汪汪鎮日對江天

林有席

和黃學博九日登城南樓作  
楚塞樓空感物華孤城橫枕蜀江涯黃楊莫漫裁  
新賦絳雪真慚種舊花憂樂幾人煩借箸登臨如  
我亦思家憑高一望南雲白返哺聲聲噪晚鴉老

親迎養  
將至

仲夏江干讌集次韻

林有彬

峽州文物自來佳浪跡萍踪慰昔懷千載歌騷尊  
屈宋一時風化屬吾儕忽驚舊雨來西塞棖觸離



身清集卷二十一  
情落古淮余與平園嘗  
旅寓兩淮爛醉清尊澆熱座半生心  
跡未全乖

晚涼出郭

林有彬

一霎清風拂小窓納涼信步動成雙  
關侯遺像覘危閣漢帝荒祠枕大江  
歸馬多聲爭敗榭傍村繁笛教新腔  
停驂休問西來客恐有哀猿嘯碧峴  
胡明府勸復雅臺志喜

羅崇德邑人

註經何處問荒臺西向城隅刈草萊  
浙右舊傳遺井在汝陽新使使君裁  
遙知晉代心源合曾費中州土脉培  
明月不隨陵谷變夜深池畔照顏開

暮春渡江飲劉範維山房

望世高邑人

臨流呼渡抱琴來爲訪劉伶共把杯  
賈客船從巴峽下幽人門傍楚江開  
一年花散春將盡九陌塵多願已灰  
兩岸夕陽留晚景波翻石壁泛舟回

西陵懷古

魯夢元邑人

勝地從來足勝遊凌晨懷古步城頭  
雲封巖洞連三峽水下夔陵繞郭洲  
怪穴何年傳白馬客帆幾夜落黃牛  
浮生踪跡同萍梗空把光陰逐浪流  
荆門江上送官軍赴湖南行營

郭江邑人

一紙軍書萬騎知長驅戎馬出關時  
三年數困征



蠻卒六月徐興問罪師雨洗湘江停節鉞雲飛嶽  
麓暗旌旗功成演就平南曲佇聽鏡歌唱健兒  
偕慧空印月上人遊石門洞

郭江

攜來遊策度松筠百折溪山訪道真地僻白雲叅  
妙相潭空秋水證前因洞中日月方殘扇門外煙  
霞幾度春儘愛此間新住好何時從着紫綸巾  
初春過土門塢宿陳曰同丈人栗園月夜聽溪聲  
有作

郭江

高人居住結層林萬樹梅花約共尋竹葉干竿晴  
亦雨松門十里晝長陰鷄啼草閣寒威重犬吠柴  
關暮影深一夢小窓窸月白山空溪響答鳴琴

桃花魚

彭揚

種分鱗族質分花漏洩春光泛水涯作意游揚空  
蝶戀無端舒卷逐波斜絕人攀折人偏賞纔計投  
竿計已差會得化工元妙處此番芳信倍清華  
代柬招友人重遊東山寺

寺鐘初動酒初醒顧我遊踪真似萍古木蒼厓春  
欲暮青鞋布襪昔曾經奇葩環砌呈新艷好鳥當  
風埋翠翎莫惜幽尋頻買醉江山佳處共留停  
墨池懷古

楊宏農



沉波微似染淪糜道是西陵古墨池晉代文瀾關  
浩劫南朝筆瀦雜江離秋空鴈影潛書字夜雨蛙  
喧暗有詩借得一輪明月在年年長照舊臺基

沙河野望

楊溥

誰問溪南處士星獨居山谷久忘形寒花背客生  
間地野鳥窺人立淺汀漁棹遠歸千頃碧樓歌高  
入數峰青年來幸與鄉隣慣不弄清貧舊草亭

姜詩宅

羣峰擁戶畫長陰漢末姜詩宅至今流水歌殘詞  
客淚寒碑刊破古人心亂離忠孝志巴國舞楚關  
山感綠林乳燕借巢傳舊事呢喃不住語春深

送林平園之任東湖

陶其懷

闔中地遠東湖近孝格天心感最真見說陶翁惟  
老母還憐吾子有雙親平居久絕輕肥念當局從  
看遠大身先進歐陽留舊跡莫教名宦只斯人

陳若道濟先學東湖引見對調

同人宴集悠然亭

范克任 邑人

仙喬鶴去管停吹臘有亭臺動客思槐植三株高  
北郭花開五月擬東籬微風蘋末新涼到乾鵲林  
端午夢移飲罷不知山色曠歸途緩緩策征驂



以上舊志

宜昌懷古末章題行署

南淮 吳省欽

浩浩荆南賦上征岷濤擬走怒難平浮橋遠抗田  
戎壘東炬高投白起營楚國屏藩新設府蜀天關  
櫓舊懸兵下牢關勢連西塞長聽風笳日夜鳴  
天險森森落虎牙孤城如帶擁飛霞夔人名號傳  
譌近熊子都封考信賒客望黃牛壘暮暮俗傳烏  
鬼關家家太平休養談何易蠻寨分明趁曉昏  
堰井喧闐錯負擔後來文物劇搜探池涵墨彩  
爭落堂糝梨英酒半酣博士有經傳郭璞諸生無

巷訪何參即看州印文同異陝陝

貽識字勳

遶霧穿雲唱竹枝金戈起汕失春

微波落木人

千里冷鴈哀猿此 時三載兩場竣併考兼旬二

郡亟分馳

宜郡連歲科而施郡亦於此集議今

征夫雅荷生成感教補年前入峽詩

絳雪堂在東湖縣署即宋硤州治歐陽公令夷陵

為州守朱慶基作紅梨詩因以詩語名堂今縣

志以為在歐署非也歐署有至喜堂坡詩所云

孤楠一榻者今莫考矣梨以乾隆三十年縣令

林有席補植 吳省欽



紅羅亭子綠天庵那比梨英暈赤雲白髮郎官春  
謙旌綠衫縣令夜吟酣樹經補種梢檐好花戎潛  
攀插鬢堪此是醉翁趨府地北軒何處覓孤楠

西陵懷古

浙江 陳熙晉

黃牛灘壯石岩巽白虎關高浪動搖壁劃空江經  
禹斷灰餘歷劫見秦燒山川形勢猶槃礴楚蜀疆  
塲久寂廖青挂綠蘿愁歲晏一林風葉雨蕭蕭  
戰罷狼亭事可傷從來屠齒係存亡規吳壁壘空  
龍虎守峽旌旗尚鳳凰豈有敵人疑叔了是誰延  
寇負臨湘樓船一下銷王氣白帝江聲咽夕陽

觸鬪蠻爭國似蝸古今俯仰一長嗟誰教楊素攻

狼尾早有田戎扼虎牙上下帆檣轉萬里東西門  
戶控三巴英雄割據當年事四海而今已一家  
希文言事投荒去丞叔貽書作令來直道豈應招  
黨禍先生非但爲人才朱絃寥落琴三弄絳雪續  
紛酒一杯回首萊公亦羈宦至今峽口斷猿哀

登東山寺

江陵 劉士璋

飄然大半劃長風萬壑千巖遠近通峽口濤聲來  
座上荆門樹色落杯中遙看壁壘連三國遠憶烽  
烟鬪七雄回首可憐征戰地香林下界雨空濛



東山寺

陳士望

峻岫山寺近城東  
杖屨追隨御曉風  
峽日初融舟歷歷  
江烟忽結樹濛濛  
花兼酒暈春愁減  
茗帶香清夜話同  
偶爾招尋成信宿  
揮毫題壁氣如虹

東山圖畫

李士開

重登古寺俯雄關  
轉盼江天境倍閒  
曉日崢嶸烟霧外  
層巒疊散畫圖間  
雲歸禪空乘初重  
簪借花枝醉欲攀  
有客不須懷謝眺  
揮毫寫破舊名山

甲辰初冬王蘭圃集飲東山寺卽席留韻

張玉

小陽節候出郊關  
古寺登臨意自閒  
屏影翠圍峽裡畫  
圖暉映兩湖間  
滿村楓艷經霜厚  
幾嶺梅香待雪攀  
自是芳樽饒菊醴  
酌來催韻寫東山

前題

王永敬

物外諦參利鈍關  
偶因憑眺一心閒  
江楓留艷輕煙裡  
湖水凝寒晚照間  
慣聽經聲馴鳥下  
欲捫碑字古藤攀  
興來覓得春香草  
點逗梅花出遠山

前題

鄒文烈

松門五里到禪關  
倦眼頻舒得暫閒  
繞郭人家疎樹裏  
隔江雲嶺曲欄間  
元戎勝概行將繼  
六一高



風應可攀惟愛攜樽延晚照勝他絲竹聒東山

前題

李大全

年來羈旅隔鄉關那得浮生半日間蠟屐虛遺紅  
磴裏題詩翻羨白雲間江吞魚復門爭抱壁削巫  
峰狖絕攀遲我後遊舒倦眼依然活畫點青山

前題

吳學源

憑臨古刹樂相關畫圖天開坐對閒峽口嵐光歸  
杖底荆門帆影落杯間經傳白馬繡時悟樹老蒼  
虬醉後攀更聽霜鐘林杪出依依送客度前山

梁銑

梵王臺榭俯津關萬壑楓殘曲徑閒幾幾悲吟  
古際仙凡一別往來間迴廊小院流雲住瘦竹寒  
花過客攀到此不知歸去晚隔江煙霧散重山

前題

陳宏鑑

踏開煙徑俯郊關隔斷塵囂四野閒雨歇寒雲歸  
峽外潮平沙嶼出江間幾村稻穫人爭負滿座花  
飛我欲攀識得此中真面目漫同圖畫失廬山

前題

徐汝杰

蕭蕭木葉點松關檻外晴煙相對閒楚塞四圍朝  
霧裏葛峰一角夕陽間空堂入座僧初卧曲徑尋



幽展其攀看取籠紗題壁處好將佳話寄名山

前題

江芹

怡情境地每心關况此登臨物外閒抱部人家煙  
樹裏倚灘樵爨水雲間三千妙諦憑誰契六二流  
風許其攀莫向中林珍小草肯將蠟展老東山

甲辰初冬集飲東山寺

原作

王永言

幽情無處不相關况復登臨古寺間萬里江濤碧  
落外一簾圖畫白雲間梧桐葉老知誰種月桂花  
香許其攀他日雞壇尋舊約莫將此志負湖山

東山圖畫

王述堂

禪林高巖部門東隔岸層峰插碧空楚水蜀雲  
眼底江濤山月豁宵中煙霞四面添詩料  
秋仗化上最是昔賢題詠處登臨憑眺憶文忠

重過豐贊山

周維經

瞳瞳曉色破籬東勝地重經憶雪鴻年少漸從忙  
裏老名山今在病中逢松林幹老盤龍氣霜葉秋  
深着醉容遙望青帘殘照外與夫指點舊遊踪  
黃草壩前眺此地有鳳凰橋鳳凰石杜相朝

何年聽侍鳳凰鳴石沒橋欹一水平客喚小舟隨  
意渡人耕淺土趁春晴西風猿狖桓侯墨落日牛



羊陸抗城憶昔兒時遊戲處棗梨花下足歡情

三遊洞

王柏心

星軺昔挈高軒過霜磴重探古洞行石骨凌空分  
峽勢江流收瀨放谿聲仙心忽向靈區發塵障猶  
嫌下界生文采昔賢仍未替後來誰勒壁間名

遊石門洞簡王子壽比部

懷甯 鄧傳密

斜日青林發五谿萬峰蒼翠入雲齊重甌仙去留

丹竈避地人來躡玉梯驄馬曾嘶芳草岸內辰仲春偕展

雲學士阮郡伯及策臣伯仲同游霜楓又上白沙隈柏扇繁展英

賢錄鐫鑿鴻文堂簡樓

戊午秋杪開彭石招飲萃福山巖會一時感懷千

古率成七律二首

黃岡 靖郁恒

十二巫峯六度過游蹤久已謝煙蘿先君宰西蜀曾履省湖岷

江三十有二年矣那知宦轍隨緣住又聽漁舟起汕歌難

得主人為北道來游賓客赴東坡片帆指顧臨江

渚程計蘆林渡幾何

盤山珠曲蟻穿過蠟屐相隨印碧蘿立定脚根皆

實地放開眼界且高詞襟江城部全披畫插漢峰

巒半露坡更有小樓閒憩處焚香煮茗意云何

石門洞和秀樓韻

羅發蔚



石門靈湫景豁然仙翁勝蹟古今傳巖前暝掛  
更月樹杪晴飛百尺泉岫影橫披雲外帳溜聲不  
斷水中天登臨莫盡逍遙意會向高僧夜話禪  
漢景帝廟 宜昌南關外 孝感 徐 韋

漢家何代遺荒廟火德方災景運開天下幸承文  
帝後當時誰惜亞夫才未能禮樂歸刑措漸有詩  
書出劫灰底事梁王賓客盛袁絲昨自國中來

夷陵懷歐陽公 江夏 彭崧毓

自古循良惟守令功名偏重諫官時不辭考拙催  
科政何獨文工制誥詞絳雪堂中朝判牘黃陵

日晚題詩歸田願上人爭羨豈識風流半在茲  
追和胡蓮舫京卿遊靈泉寺原韻 黃士瀛

危峰翠巒鬱嶢嶢縹緲飛樓倚碧霄丹嶂敞扉排  
洞口白雲曳帶束山腰垂藤色老崖煙護落葉聲  
乾徑雪消見說靈泉清徹底滌塵何處問仙飄

三遊洞小憩 彭崧毓

前賢遊蹟信非夸喜在山顛更水涯勝日每來人  
載酒老僧能與客烹茶塵中豈有桃源洞世外稀  
逢穀雨花 洞外牡丹盛門 坐對奇峯臨絕壑肯教吟興負

煙霞



重遊三遊洞

桐城 劉為楨

有約登臨泛小舟振衣重上遡前遊  
岩分石骨排空列江帶溪聲咽暮流  
峭壁嵐光天外落虛堂人語峽中幽  
欲尋太傅題名處苔蝕殘碑古洞留

遊黃牛峽口占

劉為楨

地近黃牛浪接天神功開導尚依然  
碑殘古廟來猿狖花落空山聽杜鵑  
倒瀉灘聲喧夜月奔流瀑布破溪烟  
行人莫問前途險估客船歸夕照邊

東山寺步壁上譚公原韻

馬統桂

寺前圖畫傲荆關點綴天然景亦閒  
灘影

草外溪光隱現綠蘿間 功僧湖引東南去 曾各

邀左右攀貧坐上方歸且緩晚霞晴

大王巖懷古

張珮

殘碑讀遍薛痕遮流俗還須問故家  
風過斷垣嘶鐵馬月搖幽澗掣金蛇  
河山未改英靈在士女何知笑語譁  
千古興亡同一瞬茫茫浩劫絕無涯

九日登孝子巖

王國祥

懸岩千仞枕江隼九日登臨興最豪  
放眼不知何處盡攜朋爭愛此峰高  
雲沈巴峽吹殘角風撼荆門捲暮濤  
長嘯一聲凌絕頂無邊木葉落蕭騷



東山圖畫

余文斌

夔陵勝境注東山  
翹首都從畫裏攀  
蜀道三千環  
疊嶂荆門十二鎖  
重關雲開城郭江  
天外樹隱人家紫  
翠間偶坐林泉何  
所契月明湖上一  
僧還

長陽 饒世榮

江流觸石浪成堆  
帶繞孤城實壯哉  
山勢遠從煙際東  
峽門高向日邊  
開累朝霸業埋焦  
壤萬古灘聲走巨  
雷天險由來藉人  
力時清不必問雄  
才

石門洞

饒世榮

洞天闢破一峰青  
中有仙湫地最靈  
谷應蚪鳴泉助響  
潭飛龍沫水餘腥  
懸巖曾散崇朝雨  
碎石長留萬點星  
我欲求仙訪月峽  
鍊丹人去剩空亭

黃牛峽

顧嘉衛

三朝三暮見黃牛  
牧笛依稀據嶺頭  
帆影隨山路轉棹  
歌遙送艣聲柔灘  
衝白馬千層浪洄  
隱蒼龍百丈湫恍  
似函關尊氣勢飛  
仙橋背穩於舟

春日詣東山寺

羅啟炳

春郊覽勝出城東  
望見禪關翠靄中  
嫩柳梳煙新黛綠  
小桃沐雨醉顏紅  
一線圖畫輕勻霧  
兩鏡湖光碧印空  
客到徘徊疑眺久  
閒尋方丈問元功



次鄧守之石門洞原韻呈王子壽比部

孫可欽

僊山高挹武陵谿羅列諸峰天與齊絕壁噴泉增  
乳溜茂林倒翠覆雲梯高樓客夢醒清楚曲澗人  
歸唱大隄勝地同懷弛負擔百年何事苦栖栖  
癸亥重九日僧王翔圍羅南軒施俊甫牯牛峰登

高

孫可欽

步上高閣開眼界同來好友度重陽丹楓絢染三  
秋雨烏帽飄蕭鬢髮霜螺髻雲封山對馬狼烽烟  
起世亡羊菜蕘佩與黃花酒更可相邀費長屐

聞彝陵警

天南赤羽暗江東又報旌旗  
角亂重關氣奪虎牙雄安知  
孫已伏戎禍福難論疆事壞  
臨危誰挽楚人弓

楚塞樓春望

田文炳

東風拂拂靄晴光縱目高樓客思長萬疊遙山分  
楚蜀千尋流水達沮漳望中絕塞春多少夢裏滄  
洲路渺茫繞苑梨花飛片片欲攜樽酒酌歐陽  
次守之師遊石門洞韻即呈子壽比部

王廣鳳



倉皇猶憶涉危谿，雲岫煙霏草樹齊。  
識面雲山排翠蓋，同懷仙侶共丹梯。  
虎蹲石亂風生壑，龍噴淵渟水繞隄。  
月峽主書無處覓，鄴經柳記表幽棲。  
和阮芸台制軍彝陵望蜀江韻 孫德元

策馬當年試賦，仰瞻龍好，將豪氣吞巴峽。  
亦有開情寄，絕峰遙指，夔門窺船下。  
巫山十二岫芙蓉，彝陵峽口望，江追和儀徵相原韻 王維燿

汪洋水勢盡朝宗，兩岸山光透萬重。  
峽口黃牛盤似劍，溪邊白馬潛如龍。  
旣迎蜀道三千里，歷度巫

山十二峯，過客不須愁。路險涉江可待采芙蓉。

登樓觀峽江水漲 黃開甲  
浩浩長江吼巨雷，峽門遙看失崔巍。  
九天怒氣排山出，萬里孤篷破浪來。  
秋水龍吟時倚劍，春風花落獨登臺。  
軍聲又報烽烟起，城上愁聽畫角哀。

三遊洞 趙崇晉  
爲訪仙蹤泛小船，停橈暫泊峽江邊。  
何來鐘鼓留虛籟，無數峰巒起暮煙。  
元白此中同插足，蘇黃以外孰隨肩。  
長流幸有清溪水，石瀨聲聲入洞天。



遊芥子庵感懷

巖登雲 靜庵

峰巒壓岸擁晴嵐一路穿雲到野庵古塔層層橫  
嶺北清泉浩浩出溪南花間酌酒邀僧話林下題  
詩對客談醉後安排禪榻靜紅梅消息夢中探

秋日登平江閣晚眺

西風送爽晚來秋沿岸人家賣酒樓楚塞寒烟迷  
去鴟江天暮雨濕眠鷗輕帆渺渺連巫峽白水滔  
滔繞郭洲釣魚烹魚燒菽火蘆林古渡幾漁舟

連三橋

二三橋隱約接沙溪水復山重路欲迷鳥鳥暮鳴

野店森森古木蔽幽蹊花村酒熟遊人醉柳陌烟  
籠去馬嘶訪問磯頭垂釣者多栽翠竹傍巖栖

登孝子巖感懷

孝子芳踪寄古州高巖聳翠隔江幽遠聽蜀鳥聲  
聲苦近讀姜碑字 心野老曾傳雙鯉事巫雲下  
鎖一山秋孤忠勝 今何在剩有甘泉水自流

九日登東山寺

炊烟一片壓江寒繞郭人家畫裡看綠岸輕帆連  
水白滿城古木醉霜丹多栽翠竹迷高嶺疎種蒼  
松露遠巒指點綠蘿溪畔路詠歸不覺夕陽殘



城西秋眺

嚴發楨

楚塞晴霞散古州  
衝風雁陣過城樓  
樵歸谷口雲猶壓  
人坐船頭水自流  
隔岸楓含殘靄落  
垂枝橘透夕陽幽  
漁翁晚向西崖宿  
紅蓼叢中幾釣舟

至喜亭

凶難歷徧到州城  
蜀道三千次第行  
其說來豐當塞聳  
威瞻至喜傍江橫  
船過峽口波初靜  
水下夔陵浪始平  
十二荆門堪放棹  
西洲壩外起歌聲

東湖縣志卷二十三

藝文志

五言排律

唐

寄峽州劉伯華使君四十韻

杜甫

峽內多雲雨秋來尚鬱蒸  
遠山朝白帝深水謁夔陵  
遲暮嗟為客西南喜得朋  
哀猿更起坐落鴈失飛騰  
伏枕思瓊樹臨軒對玉繩  
青松寒不落碧海闊逾澄  
昔歲文為選羣公價盡增  
家聲同令聞時論以儒稱  
太后當朝肅多才接迹  
昇翠梢虛颺颺丹極上  
鯢鵬宴引春壺酒



東坡先生詩集卷之三十三  
恩分夏尊永雕章五色筆紫殿九華鏡學竝盧王敏書  
偕褚薛能老兄真不墜小子獨無承近有風流作聊從  
月竈一作微放蹄知赤驥捩翅服蒼鷹卷軸來何晚襟  
懷度可憑會期吟諷數益破旅愁凝雕刻初誰料纖毫  
欲自矜神融躡飛動戰勝洗侵陵妙取筌蹄棄高宜百  
萬層白頭遺憾在青竹幾人登回首追談笑勞歌跼寢  
興年華紛已矣世故莽相仍刺史諸侯貴卽官列宿應  
潘生雲閣遠黃霸靈書增乳鬢號攀石饑飈訴落藤藥  
囊親道士灰劫問胡僧憑火烏皮圻簪稀自一作帽棧  
林居看蟻穴野食待魚簪筋力交彫喪飄零免戰兢皆  
爲百里宰正似六安丞姪女縈新髮丹砂冷舊杆但求  
椿壽永莫慮杞天崩鍊骨調情性張兵撓棘矜養生終  
自惜伐叛必全懲政術疎誕詞場愧服膺展懷詩頌  
魯割愛酒如瀉一作咄咄空書字冥冥欲避矰江湖多白鳥  
天地有青蠅

行次古城店泛江作不揆鄙拙奉呈江陵幕府諸

公

社 甫

老年常道路遲日復山川白屋花開裏孤城麥秀邊  
江元自澗下水不勞牽風蝶勤依漿春鷗懶避船王門  
高德業幕府盛才賢行色兼多病蒼茫汎愛前



發白狗峽次黃牛峽登高寺却望忠州

白居易

白狗次黃牛灘如竹節稠路穿天地險人續古今愁忽  
見千花塔因停一葉舟畏途常迫促靜境暫淹留巴曲  
春全盡巫陽雨半收北歸雖引領南望亦回頭昔去悲  
殊落今來念舊遊別僧山北寺拋篋水西樓郡樹花如  
雪軍廚酒似油時時大開口自笑憶忠州

宋

初至彝陵答蘇子美見寄

歐陽修

三峽倚岩巖同遷地最遙物華雖可愛鄉思獨無聊江

水流青嶂猿聲在碧霄野篁抽夏笋叢菊長春條未臘  
梅先發經霜葉不凋江雲愁蔽日山霧晦連朝斫谷爭  
收漆梯林鬪摘椒巴賈傳賈集蠻市酒旗招時節同荆  
俗民風載楚謠俚歌成調笑捺一作捺鬼聚喧器得罪宜  
接齋包羞分折腰光陰催晏歲牢落慘驚飆白髮新年  
出朱顏異域銷縣樓朝見虎官舍夜聞鴉寄信無秋鴈  
歸思望斗杓須知千里夢長繞洛川橋

初晴獨遊東山寺

歐陽修

日暖東山去松門數里斜山林隱者趣鐘鼓梵王家地  
僻遲春節風清變物華雲光漸容與鳥弄已交加水下



泉初動煙中茗未芽自憐多病客來探欲開花

入峽

蘓軾

食齋幽懷賞今茲得縱探長江連楚蜀萬派瀉東南合  
水來如電黥波綠似藍餘流細不數遠勢競相參入峽  
初無路連山忽似龕滢迂收浩渺感縮作淵潭風過如  
呼吸雲生似吐含墜崖鳴窸窣垂蔓綠穆穆冷翠多崖  
竹孤生有石楠飛泉飄亂雪怪石走驚駭絕澗知深淺  
樵童忽兩三人言偶逢郭汝岸可乘籃野戍荒州縣邦  
君古子男放衙鳴晚鼓留客薦霜柑問道黃精草叢生  
綠玉簪盡應充食飲不見有彭聃氣候冬猶暖星河夜

半涵遺民悲昶行孟昶從此入蜀 王行亦蜀主 舊俗接魚鱉板屋漫

無瓦品居窄似菴伐薪常冒嶮得米不盈甕歎息真何  
陋劬勞不自慚葉舟輕遠沂大浪固嘗諳屢鑿空相視  
驅馳莫與談蠻荒安可駐幽邃信難耽獨愛孤棲鶻高  
屋百尺嵐橫飛應自得遠颺似無貪派翻游香漢無心  
雁雀鶴塵勞世方病局束我何堪盡解林泉好多爲富  
貴酬試看飛鳥樂高遁此心甘

遊三遊洞之日有亭吏乞詩既爲留三絕句於洞  
之石壁明日至峽州吏又至意若未足乃復以

此授之

蘓軾



一逕遶山翠縈紆云似蛇忽驚溪水急爭看洞門呀滑  
磴攀秋蔓飛橋踏古槎三扉迎北吹一穴向西斜歎賞  
煙雲立追思歲月遐唐人昔來剝石俗此爲家洞暖無  
風雪山深富鹿豕相逢衣盡草環纒髻應髻竈突依巖  
黑樽罍就石窪洪荒無傳記想像在羲媧此事今安有  
遺踪我獨嗟山雨強留句強爲寫槎

至壽堂

蘇軾

夔陵雖小邑自古控荆吳形勢今何用英雄久已無誰  
知有文伯遠謫自皇都人去年年改堂傾歲歲扶追思  
猶咎呂感歎亦憐朱舊種孤栢老新霜一榻枯清篇留

峽洞醉墨寫邦圖故老問行客長官今白鬚看書多念  
慮許國減懽娛寄語公知否還須數倒壺

國朝

虎牙懷古和李荆州

郭 鍵

漢將功難繼秦人逝不回潺湲依古戍崩勞俯層  
堦水漫荆門出山崇峽路開樓船追往日保障借  
新才曠野猿啼滿寒燈月影來當時征戰地一嘯

高峰哀

虎牙懷古

羅宏備 郡人

楚塞西門峻江流南紀雄崖吞巴子水帆閱大王



風獨石無心，置諸濤盡力。攷山容爭作隊，鷗陣廻排空。嵐氣浮仙侶，潺湲亂怒工。長波傾夢渚，餘險佐蠶叢。莫問蕭梁事，何如蜀漢功。艱難圖割據，容易委漁翁。

早秋遊東山用歐陽公獨遊東山韻

林有彬

涼颼天未起，蟬影一林斜。傍郭罾魚市，緣江賣酒家。年豐茅屋潤，秋至荻蘆華。遠岫嵐光靄，荒庭翠色加。僧廚烹活火，桂萼茁清芽。歸路香風度，馬蹄踏藕花。

七言排律

唐

十年三月三十日別微之於灑上十四年三月十一日夜遇微之於峽中停舟夔陵三宿而別言不盡者以詩終之因賦七言十七韻以贈且欲記所遇之地與相見之時爲他年會話張本也

白居易

灑水店頭春盡日，送君馬上謫通川。夔陵峽口明月夜，此處逢君是偶然。一別五年方見面，相攜三宿未回船。坐從日暮惟長歎，語到天明盡未眠。齒髮蹉跎將五十



關河迢遞過三千生涯共計滄江上鄉國俱拋白日邊  
往事渺茫都似夢舊遊零落半歸泉醉悲灑落春風裏  
吟著支頤曉燭前莫問龍鍾惡官職且聽清脆好詩篇  
微之別來有新詩數篇麗絕可愛別來只是成詩癖老去何曾更酒顛  
各限王程須去住重開離宴貴流連黃牛渡北移征櫂  
白狗崖東卷別筵黃牛白狗皆峽中地名神女臺雲間  
繚繞使君灘水急潺湲風淒暝色愁楊柳月弔宵聲哭  
杜鵑萬丈赤蠶潭底日一條白練峽中天君還秦地辭  
尖徽我向忠州入瘴煙未死會應相見在又知何地復  
何年

宋

夔陵書事寄謝三舍人

歐陽修

春秋楚國西偏境陸羽茶經第一州紫穰青林長蔽日  
綠叢紅橘最宜秋道塗處險人多負邑屋臨江俗善泅  
臘市魚鹽朝暫合淫祠簫鼓歲無休風鳴燒入空城響  
雨過江崩斷岸流月出行歌聞調笑花開啼鳥亂鉤輈  
訟庭畫地通人語邑政觀風閒俚謳土俗雖輕人自樂  
山川信美客偏愁黃牛峽口經新歲白玉京中夢舊遊  
曾是洛陽花下客欲誇風物向君羞

寄梅聖俞

歐陽修



東海題詞卷二十三  
青山四顧亂無涯，鷄犬蕭條數百家。楚俗歲時多雜鬼，蠻鄉言語不通華。繞城江急舟難泊，當縣山高日易斜。擊鼓踏歌成夜市，邀龜卜雨趁春畬。叢林白晝飛妖鳥，庭砌非時見異花。惟有山川爲勝絕，寄人堪作畫圖誇。

明

春杪葛更生蒲抱一孫得之三先生同羅季玉諸文學過三遊洞步白太傅本韻七言排律一章

劉戡之

作計留春春欲去，山行歷盡復臨川。欲乘幽興尋幽地，共御冷然適灑然。靈杖曳隨居士屨，錦帆高揭孝廉船。

嵐紛浪渾遊魚呷沙暖，洼恬浴鷺眠。今日朋儕借二五，他時禮樂奏三千。世珍杞梓巴人國，圖索騏驎冀塞邊。椽筆動搖千氣象，荷衣獨釣老林泉。清光滿眼分臺上，紫氣衝星挂斗前。怪爾逍遙工指點，漫從浩汗譯聯篇。磨崖頻掃仍窮底，絕壁危登直透顛。復磴乍廻雙洞屐，奇聲忽報萬峰連。酣歌綠玉葡萄酒，重席青氈苜蓿筵。日昃空蒙涵汜汜，江深遠近漉浥浥。石黏繡草稱爲虎，谿冷蠻花號似鴉。宿峽陰雲翻驟雨，沒竿新水漲冥天。縱歸鷁首千家火，擁樹荆門一派煙。儘許游情通晝夜，可無片語寄當年。



身法異記卷二十三  
五言絕句

唐

峽州詩

白居易

上有萬仞山下有千丈水蒼蒼兩崖間濶狹容一葦

宋

荆州軍事藥名詩

黃庭堅

雨如覆盆來泥深沒牛膝回望無彝陵天南星斗溼

明

上望州

郭思溫

巖巖一嶺十畝幾千丈回首望州城我在青天上

二遊洞

俞彥

下牢古溪口幽微若有無古木繫短艇宛披桃源圖  
洞裏天地濶洞外日月長峽山驅濤來平楚青茫茫

西洲雜詠

雷思霈

面面皆江水層層是峽山人煙藜樹裏麥浪古城灣  
漁婦盪尾槳漁翁撒細網網得鯉魚兒賣與客船上  
北山插天黑南山逼天青西山送晚照東山列素屏  
欲登陸城均煙寒不知處借問耒耜園兒楊柳西邊去

與執笏山僧

文安之

移榻就松陰霜津落葉深一僧凌霧去歸路正堪尋



國朝

遊龍興寺

陳高極

山窮寺反遮隱隱隔林斜曲徑綠蘿入孤舟艤水

涯

夢魂會到此所見快於聞掃石舒長嘯巉巖起暮

雲

晴望東山

覃宏澤

凌厲曉鐘清喧喧林雀喜開門望東山遙見山光

紫

卽目

覃宏澤

雲樹下荆門風帆時隱見斜陽滿汀村人立斜陽

岸

十二背

李拔

巫山十二峯荆門十二背迴環鎖鑰工面面遙相

對

題巴船出峽圖

沈德潛

千丈危崖裂巴船石罅行忽從天上落驚定賀重

生

入峽聞猿戲

盛錦

渴猿戲層崖什伯互連臂下縋飲江流逢人不相



避

過虎牙山

嚴秉珩

灘行慘風波賦形獨汝醜  
猙獍欲何為莫向西風  
吼

遊東山寺

李鵠

東山枕大江迂曲抱城郭  
曉鐘山半催村煙鳥窠  
廓

甘泉寺

朱學醇

至孝天下傳非關訛楚語  
君看大江頭猶有甘泉  
處

詠東湖物產

林鳴鶴

太極石

一畫開先天太極蘊茲壤  
乃知混沌初已具動靜  
象

桃花魚

花開溪魚生魚戲花影亂  
花下捕魚人莫作桃花  
看

旱蓮花

四貴同時到盍簪金帶圍  
旱蓮花發處處待馬蹄  
歸



望高崖山

鄧培藻

九載懷襄水還留崖覆山傳聞遺竈在餘燼挿

閒

督郵石

吳英

帝治無中外神功奠九州督郵何太苦化石不回

頭

憩翁雪堂紅梨樹下

林鳴鶯

自有紅梨樹還存綠雪堂遠階欄檻赤極目送斜

陽

舟經查波灘

萊公忠信人作縣巴江溪履險人查波灘神聊爾

爾

渡浣紗溪

秦鏐

覆楚吳旋沼何人更浣紗溪邊留廟貌長傍蜀江

涯

分咏古蹟十首

陸抗城

李林

吳壘歸殘劫猶傳陸抗城年年赤溪水流作戰場

聲

荆門山

宋兆元



西塞浮橋斷公孫霸業沉阿童江上度鐵鎖復千尋

明月池

敖啟潛

爾雅臺前月流光到墨池苔痕相映碧猶憶註經時

下牢溪

趙泰交

下牢千尺清上牢鬱古壘烽起颯寒飈不改青溪水

爾雅臺

和剛中

郭公編爾雅挾册東南來桑陵古城北尋得註經臺

斷江峽

王楙

急峽何年斷潭深舊日流禹功疑不到辛若策黃牛

武侯碑

陶其性

漢隸邈難追豐碑餘古製偏傳孝子巖更有今文字

黃金藏

嚴思濬

誰入黃金藏緡經太古初可知秦火後原有未焚書



白起洞

馬霖

古洞連天赤應悲秦火焚杜郵終伏劍齒冷武安君

石門洞

朱恒

石破洞門開泉流何太駛時時風雨鳴莫割垂龍耳

東湖雜話

林有席

有虎張其牙直踞荆門口借問過來人上皆平安否

一坡號喜歡一壩號平善生活計如何但說川鹽

賤

小販載柴薪權稅因時定昨日到彝關算有幾

賤

撐過黃陵廟莫灣屯甲沱沱前西壩嘴曉上多風

波

黃牛峽口號

林有櫟

策牛爾何人爾行何日已何日不飛帆帆見翻江底

登至喜亭望江船出峽

莫嗟蜀道難到此已堪喜勸君慎風波前路亦如



此

五隴山

景大任

朝見五隴煙暮見五隴樹  
煙樹兩迷離停驂不知處

過至喜堂廢址有感

張繼辛

自有高栴樹因開虛白堂  
如何同厄閏一例賦黃楊

登郭道山

張繼辛

郭道山如削登臨見郭洲  
稚川何日到也其景純遊

七言絕句

唐

秋下荆門

李白

霜落荆門煙樹空  
布帆無恙掛秋風  
此行不為鱸魚膾  
自愛名山入剡中

峽口送友

司空曙

峽口花飛欲盡春  
天涯處處淚沾巾  
來時萬里同為客  
今日翻成送故人

荆門山

雍陶

兩崖開盡水廻環  
一葉纔通石罅間  
楚客莫嫌山勢險

唐詩卷二十一 三 藝文

五



世人心更險於山

秋夜題夔陵水館

李涉

凝碧秋高海氣秋桂輪斜落到江樓三更浦上巴歌歇  
山影沈沈水不流

竹枝詞三首

李涉

巫峽雲開神女祠綠潭紅樹影參差下牢戍口初相問  
無義灘頭刺別離

十二峰頭月欲低空船灘上子規啼孤舟一夜東歸客  
泣向東風憶建溪

下明灘急水潺潺兩岸猿啼煙滿山渡口年少應官去

月落西陵望不還

夔陵城

胡曾

夔陵城關倚朝雲戰敗秦師縱火焚何事三千珠履客  
不能西禦武安君

宋

望州坡

歐陽修

聞說夔陵人爲愁共言遷客不堪遊崎嶇幾日山行倦  
却喜坡頭見峽州

戲贈丁判官

歐陽修

西陵江口折寒梅爭勸行人把一杯須信春風無遠近



東湖縣志卷二十三  
維舟處處有花開

三遊洞

蘇洵

洞門蒼石流成乳山下寒梅冷欲冰天寒二子苦求去  
我欲居之亦不能

前題

蘇軾

凍雨霏霏半成雪遊人屐冷蒼苔滑不辭攜被巖底眠  
洞口雲深夜無月

予既作竹枝詞夜宿歌羅驛夢李白相見於山間  
曰余往謫夜郎於此聞杜鵑作竹枝詞三疊世傳  
之否余細憶集中無有三調乃得之

黃庭堅

一聲望帝花片飛萬里明妃雪打鬪馬上健兒那解聽  
琵琶應道不如歸

竹竿坡面蛇倒退摩圍山腰胡孫愁杜鵑無血可續淚  
何日金鷄下九州

命輕人鮮甕頭船中瘦鬼門關外天北人墮淚南人笑  
青壁無梯聞杜鵑

甘泉

王泮

江陽舊蹟長蒿萊江水悠悠去不回山下有泉如雨滴  
不知雙鯉自何來



明

入峽

詹同

黃牛廟下水如絃白狗峽中數尺天百丈牽春上巴蜀  
巖花無數照江船

爾雅明月二臺

詹同

爾雅臺前草木疎明月臺前月影孤試問當年著書者  
二臺留得此間無

石門洞

郭思溫

數字三峰手親搨隱躍銀鈎如濡髮我來洞口覓仙踪  
無那龍湫雨苔滑

無義灘

楊慎

無義灘前風浪收黃雲開處見黃牛白波一道青峰裏  
聽盡猿聲是峽州

下夔陵

曹宏

溪花丰茸溪雨涼雲水不分前路長山鳥一聲山竹裂  
思君半夜發瀟湘

同于忠菴登葛道山

陳禹謨

誰遣遊踪伴碧苔衣冠應使鶴猿猜石如塞却山間路  
只許孤雲日往來

荆門山

雷思霽



荆門十二古江關上合下開如一山不似巫山作雲雨  
石橋仙洞野花閒

峽口

雷思霈

上牢下牢水聲急巴峽月峽山勢長一線江流去莽莽  
海天雲霧接茫茫

孤山

雷思霈

隔江對郡孤山上絕頂周遭數尺寬但見舟航浮似鶩  
信知城郭小如盤

蝦蟆培

雷思霈

袁崧怪石驚三峽陸羽茶經品四泉如此山川須領略  
及秋吾欲賦歸田

秋日登葛道山

郭維藩

石削芙蓉倚碧空空林黃葉落重重欲尋勾漏還丹處  
兩屐秋雲一短筇

絕壁懸崖步若浮儘隨推拽到山頭憑高遠眺西陵樹  
萬井人煙共上游

舟次荆門

陳邦靖

一帆夕照歸青嶂幾隊輕鷗狎碧灣峽口有雲皆黯淡  
荆門無日不潺湲

國朝



峽中舟夜

王士正

酒殘香燼暮江深  
遙夜孤舟楓樹林  
三峽流泉爭送客  
不須更聽七絃琴

西陵竹枝四首

王士正

蜀道艱難易白頭  
羊腸虎臂又黃牛  
西陵纔過荆江出  
聽盡猿聲是峽州

峽州三月櫓聲齊  
扣拍哀歌高復低  
十二培邊初起汕  
日斜還過下牢溪

金釵繫犭髻了枋  
叉繫年年聚此鄉  
江上夕陽歸去晚  
白蘋花老賣鱖鯉

荷燈百尺接秋河  
猶似秦兵駐綠蘿  
更說元宵好風景  
竹枝歌續採茶歌

過黃陵廟題壁五首

錄二

張鵬翮

水繞山環一線天  
翠屏高掛碧雲邊  
峰回路轉神相助  
搥鼓揚帆萬里船

乘傳歸休重到此  
依然綠水伴蒼山  
丹心不共煙霞老  
三十餘年四往還

送葉蒼眉之荆江

陳祚明

送爾離亭柳色青  
霜厓雨雪向空舡  
三朝三暮黃牛峽  
急水哀猿不忍聽



荆江歌

秀水 李良年 武曾

鄰船杳杳去前隄竹綆新編四破齊同發江干不  
同宿西陵更在火雲西

州行口號

羅宏備

城外深溝更女墻墻邊鼓角與江長書生膽怯軍  
容盛怕上山頭數帳房

死事孤兒更成強牙旗隊隊引前行馬蹄踏盡青  
青草百里春山一色黃

近郊三戶久無鄰瓦敗垣頽倍慘神惟有荒原獵  
罷火夜深時照輓芻人

糝糊血骨委荒沙底事饑烏相聚譁都護挽弓爭  
射敵應無骸箭到寒鴉

峽中竹枝詞

羅宏備

荻屋蓬門倚岸開浪痕高處檢粘荻郎心不似江  
心石也共巴東水下來

惡石堆灘怒未平短篙長纜最能行黃陵廟裏江  
神會滿座瞿唐灩澦聲

九尺鱗魚上峽遊千錢一夜買磯收家家解食生  
魚子一丈身長五尺頭

邛城口號

羅宏備



楚塞樓邊城百雉黃陵閣下水東流河房日落收  
衣女伫看歸帆不轉頭

荆門山新闢石路

石振金

浮橋無濟笑公孫一徑盤空險可捫遺跡盡傳叩  
刺史口碑千載在荆門

西塞晚眺

顧繩武

山色周遭盡染丹江光如錦動漪瀾畫圖好點平  
沙鴈疑在蓬瀛海上看

葛道山

顧繩武

仙翁曾此煉丹砂壁立長江水一涯鶴馭不廻丹

竈冷何人留客飯胡麻

郭相業

明月峽觀瀑布

峽口水簾響似雷銀河飛下半天來奔流到地驚  
教住要與人間洗俗埃

五隴山

吳士瑛

移情薄暮望江頭日落寒煙五隴收樵客歌聲沿  
谷去青山賸有白雲流

書拜鵑詩後

繆沅吳縣人

空舲峽接黃牛峽兩地詩歌最擅場更入蝦蟆叫  
奇絕金棺鷓子恣翱翔



東湖竹枝詞十首 錄四

嚴思濬

綠蘿溪上綠蘿低，青草灘邊青草齊。杜十也知歸

去好，郎行偏上蜀江西。

姜詩溪畔踏青行，愛聽黃鸝三兩聲。一自使君新

示禁，家家閉戶過清明。

江干垂柳復垂楊，斜日青帘豆酒香。至喜亭前蕭

鼓沸，從郎更賞大端陽。

南湖荷葉覆鴛鴦，五月開塘雪藕嘗。儂愛藕絲終

不斷，勸郎休戀野花香。地多種蓮土人以開花者為野藕

舟入東湖界，望仙人橋。

林有席

浮橋燒斷見仙橋，仙吏江關不可招。十二荆門雙

棹入飛鳧未解學，王喬

重遊東山望縣治形勝

長橋臨江二溪水雙溪環抱夾夔陵，隨山勢上下夾流城枕東山幾

再登欲廣千間萬，間厦炊煙斷處接層層。

捕盜經城子頭

山勢如城聚老饕，小峰直逼大峰高。小峰大峯二鋪名到

來不及人心險，叱馭休嗟我馬勞。

二月望後冒雨雪，上蛇倒退坡鬼見。愁嶺口號

望岬坡上吏人呼，雨雪霏霏尚載塗。倒退長蛇同



偃蹇見愁山鬼亦揶揄

黃陵廟用壁閒韻

林有彬

古廟臨江一望收董工猶見策黃牛武侯祠屋隣  
神禹異代君臣祀典優

千層浪捲巴江水萬疊雲連蜀道山水複山重愁  
徑絕漢家槎影日邊還

登鎮境山書感

張阮

萬壑千山入望中峽雲長護梵王宮登臨不盡瘴  
桑感幾樹蟬聲咽晚風

依然綠水與青山斷壘盤空草不刪一自妖氛銷

歇盡只飲斜日照江關

下牢放棹

郭江

路滑行行遍綠苔溪邊舟趁老漁回停橈笑問衣  
衫溼我打著山洞裏來

萬年寺訪小空上人

參禪終日不言禪好懶身披破衲眠借問綠蘿溪  
上月經秋曾見幾回圓

以上舊志

七言排律

六一書院

顧嘉蘅

培成風化意欣欣六一規模大雅羣勢若騎龍乘



地脉才爭吐鳳蔚人文城濠橫抱東方拱冠蓋旁  
通北道分摘豔梓鄉高屈宋抽毫草閣妙淵雲心  
惟求放功加倍學解凝神志不紛寺傍萬年兼養  
氣徑開三益證多聞頻年科第同聯譜幾輩詞壇  
獨冠軍石泐門楣家法在山房醉墨誦先芬

五言絕句

宋

題大王巖文昌祠時劾賈似道 陳著

赫赫江天近巖巖石壁餘見山不見水林外有梅花

國朝

雜詠物產

王大鑑

開香如佛手花形作佛拳古佛坐無語不來指

禪佛拳

不知魚之樂但覺桃花香桃源問津者從此多漁

郎桃花魚

七言絕句

至宜昌

浙江陳思晉

征途無日不吟猿葉葉風帆出蜀門至喜亭邊勞

漚酒三千里外見平原

督郵石

江西楊裕仁



石如人立割鴻溝疑是人行化石頭愛石米顛曾  
拜石折腰肯爲督郵不

江西 楊裕仁

蝦蟆培第四泉

清冷爭嘗第四泉蝦蟆終古望依然茶經若比科  
名記已讓人居一甲前

黃陂 蕭際運

西陵形勝

峨眉巫峽紫雲凝一路奇峰露石稜此地江山連  
蜀楚天鍾神秀在西陵

江陵 劉士璋

題甘泉寺

姜祠寂寞枕荒塗躍鯉疏泉迹已蕪風雨欲來江  
欲暝四山黃葉叫慈烏

江陵 劉士璋

東湖竹枝詞

家住黃溪水一灣年年妝閣冷雲鬟即意忘歸  
江峽妾心不變望州山

漢陽 田鈞

夔陵竹枝詞

仙人橋上白雲封仙人橋下水洶洶行舟過此停  
橈問不見仙人空碧峰  
翠柏森森孝子祠何人把酒酌姜詩西陵風俗由  
來厚不比蘇臺唱竹枝

陳宏鑑

黃牛棹歌



黃牛峽口晚風多打鼓發船聽棹歌歷盡灘聲休  
道險人心還較險如何

三遊雨霽

王風世

峽口巉巖古洞幽欣逢霽景豁吟眸閒將斷碣摩  
挲讀唐宋才人兩度游

秋日偕同人登鎮境山

王麟昌

携樽約客共登樓林樹蕭疏豁遠眸峽水漸平灘  
勢落山雲飛雨亂鳴秋

羅漁邨綠蘿書館

毛榮徵

先生小隱板橋西溪上新蒲一剪齊閉戶讀書無

箇事綠蘿邨報午時雞

舟中卽景

王國祥

十二荆門峭壁懸征帆無數白雲邊半江紅樹推  
篷望一葉中流賣酒船

夷陵竹枝詞

龍錫

夔門險峻抱重關巫峽連雲聳翠鬟一自畫疆分  
蜀楚蠶叢盡闢萬千山

東湖竹枝詞

張鵬舉

南湖湖水碧於油蓮葉蓮花水上浮羨煞鴛鴦交  
頸處阿卽偏在蜀江頭



江干楊柳拂人低細雨聲中杜宇曉上巳清明都  
過了湔裙又赴綠蘿溪

夔陵竹枝詞

李運北

黃牛峽內驚波吼白狗灘頭亂石橫倒退長蛇盤  
鳥道寒猿愁聽一聲聲

東湖雜咏

喻太壽

歡喜坡前竹馬迎兒童導引長宮行落花堂上渾  
無事聽盡弦歌月下聲

妾家舊在綠蘿溪溪上花飛草色低偶向南湖閑  
盪槳鴛鴦驚起藕塘西

小憩鎮境山樓

羅瀛

負郭炊烟籠樹白隔江帆影壓船青分明一幅黃  
筌畫柏古松蒼竹滿亭

峽中竹枝詞

張行忠

三珠石外是渣波客子驚心喚奈何四百五灘惟  
此險即來莫作等閒過

過虎牙灘

黃學瀛

行盡灘頭又有灘虎牙灘上吼狂瀾休言一葉扁  
舟穩今古人嗟蜀道難



批蘇令古人製雷鼓

三蓋燕履又有蠶衣平織土和玉髓於言一葉扁

黃學廡

此劍酒來莫非等閒

三粒不似景查郊客于驚心與奈何四百五織

刺中於妹

峯畫前古林蒼竹蕭亭

賈渡效歐翁樹白副心帥邊獵獵青長眼一副黃

小憩餘山對

東湖縣志卷二十四

藝文志

賦

宋

黃楊樹子賦

歐陽修

夔陵山谷間多黃楊樹子江行過絕險處時時  
從舟中望見之鬱鬱山際有可愛之色獨念此  
樹生窮僻不得依君子封殖備愛賞而樵夫野  
老又不知甚惜作小賦以歌之

若夫漢武之宮叢生五柞景陽之井對植雙桐高秋羽



獵之騎半夜嚴粧之鐘鳳蓋朝拂銀牀暮空固已葳蕤  
近日的樂含風婆娑萬戶之側生長深宮之中豈知綠  
蘚青苔蒼崖翠壁枝藟鬱以含霧根屈盤而帶石落落  
非松亭亭似栢上臨千仞之盤薄下有驚湍之瀆激澗  
斷無路林高暝色偏依最險之處獨立無人之跡江已  
轉而猶見峰漸回而稍隔嗚呼日薄雲昏煙霏露滴負  
勁節以誰賞抱孤心而孰識徒以竇穴風吹陰崖雪積  
呀山鳥之嘲哢哀驚猿之寂歷無遊女兮長攀有行人  
兮暫息節既晚而愈茂歲已寒而不易乃知張騫一見  
須移海上之根陸凱如逢堪寄隴頭之客

明

荆門賦

劉炳

君山秋兮蒼蒼洞窟寒兮欲霜雲流碧兮潦盡木凋  
兮菊芳白鴈啣蘆兮七澤凍元猿號風兮三峽長  
佩明月之琳瑯翳鳳凰而翱翔縹緲兮絳彩月遺吐  
兮雪芒思攬轡於昭仰爰彌節於荆揚顧漢水之爲池  
睇方城之爲隍據軫翼之躔次古熊繹之封疆沉沱既  
導朝宗於王厥土惟泥黍稷穰穰駝馬被野牛羊彌岡  
繡組燦爛金玉鏗鏘菁茅箇簾柁栝豫樟鴻鴈鳧鷖鵠  
鶴鷗鷺丹砂石翠椒紅橘黃元獐犬龜麝鯉青魴羽毛



翠草物產之良寶富國強兵之所利直并吞割據之相  
攘嗟乎惟昔漢綱解紐炎靈中微旌頭夜蝕天狼晝垂  
赤刀鳴於武庫白魚雨於京畿洪流板蕩黨議橫馳奸  
臣竊命太阿倒持曹瞞挾翠華以遷許董卓積黃金而  
築郿六鰲揚塵於紫渤九龍失水於瑤池志士懷攬轡  
澄清之慨勤王動枕戈興復之思通人俯仰於形勝未  
嘗不痛恨於桓靈之陵夷也東望夏口蔚乎武昌鷓鴣  
之觀抗神宮於雙闕黃鶴之樓凌雉堞於中央鸚鵡芳  
草色漢陽野樹迷煙光懷其赤壁烏林淅瀝憶樓  
林想旌旗之蔽日殷動地之征鼙列連雲之戰

戟好氛引於宛洛殺氣纏於郡邑火星朝騰煙砲夜擊  
檣連烽燧岸走沙石龍虎決於雌雄成敗等於呼吸謀  
興輔王業於萬全何土崩瓦解於瞬息孫策周瑜之成  
算曹操張遼之計失事竟敗於驕矜身幸免於倉卒致  
當時之扼腕重來者之歎息故壘蕭條斷壕周遭江屯  
崩雲湍呼怒濤楊柳嘖春於別渚蘆花慘雪於殘潮寄  
登眺於草本付歌嘯於漁樵夢明月於白鶴弄春風於  
紫簫往矣醜酒臨江之慨傷其橫槊賦詩之豪所謂東  
風不與周郎便銅雀春深鎖二喬者乎南望則岳陽之  
區雲夢之墟包羅潭沔煦浮太虛衡嶽嶙峋朱陵氤氳



娥皇遺廟粉鈿消香於春色蒼梧故隧深澄沈彩於秋  
塵玉鸞剝於寶鑑金鴈浮於海銀長沙之浦瀟湘之垠  
鳴夜雨於斑竹捲西風於白蘋困遷謫之賈誼悵行吟  
之靈均忠貞之諫弗任泣涕之書徒踈天衢騁於駑駘  
草澤悶於麒麟楚八致懷沙之悵漢文空宣室之勤所  
謂可憐半夜虛前席不問蒼生問鬼神者乎西望則白  
帝插漢鳥道際雲迺灑瀕霜涕峩眉黛勻龍湫虎牙尾  
閩吼白鹽赤甲虞淵昏天府沃壤於以定霸而制國鑄  
山煮海於以濟世而安民啟中山之帝胄伸大義而奪  
身結關張之英姿同魚水於君臣起躬耕之高臥枉三

顧之殷勤義旗渡於瀘水耕者雜於涓濱運木牛與流  
馬森八陣於鼎分誓鞠躬而盡瘁痛嘔血之酸辛墮大  
星於營傷漢祚之遄逝所謂出師未捷身先死長使  
英雄淚滿襟者乎北望則襄陽紫迺峴首崔巍汝穎廣  
衍唐鄧宏開沙湮檀溪之浦棘覆龍山之臺孟嘉芳躅  
帽落斜陽於杞菊龐公高隱徑迷斷靄之蒿萊高陽之  
酒徒零落習池之歌舞誰來更無金鞭換小妾寧復銅  
鞮歌落梅紅剝鷓鴣杓翠消鸚鵡杯淚亦不能爲之墮  
心亦不能爲之哀所謂晉朝羊公一片石龜龍剝落生  
莓苔者乎吁嗟乎風景不殊山河如昔慨戰馬之何在



消風雲於倏忽何三國之英傑逞干戈於智力措蒼生  
於魚肉不能一日安於衽席爭腐鼠於饑鳶致羝藩而  
臍噬徒區區於井蛙莫能混南北而爲一豈天運有常  
抑非人力之所能致者乎偉哉我皇龍奔虎驤雄劍一  
呼囊括八荒

國朝

荆門望江賦

石振金

陟荆門之崖兮雄楚塞而最高據峽口之勝兮扼  
蜀道於下牢環境之山如幃兮形勢不待論也長  
江之水何深兮獨展目而觀濤發脈自岷其源甚

遠朝宗於海厥流何遙卒難測夫底極徐延地乎  
仙橋適有野老樵採其上舍彼析薪助余瞻望揖  
余而告曰粵稽地志古老言傳堯時洪水波及無  
邊僅露高篴之頂長沒羣阜之顛余疑是謠久矣  
乃向翁而詰焉既無物乎在陸又何人兮見淵老  
人證之曰筐山之崖上有空穴泥痕如壁燒梗若  
楔匪人可到豈天所設顯爲神禹之迹勿饒迂儒  
之舌予緣是而廻思昔亦遊夫蜀域泝南津上巴  
國越空舩過明月巫峰擬西塞之奇瞿唐視虎牙  
爲窄錦江之浪春漲且沃灑瀨之堆泯沱之河夏



益尚淹昭君之宅矧當年之橫流兮有不漫三峽  
正化山爲澤由此觀之翁言是已而予獨計爾時  
也溯江而上上起於益從江而下下抵於揚其程  
途不啻幾千餘里其田園不啻幾萬井疆歎洪水  
之漉漉兮大半淪於溟洋老人聞而笑曰吾與子  
生逢清晏幸免懷襄履平成而舒眺寄逸興於何  
鄉予爲之懷明德思禹功岷嶓旣藝江行地中黃  
牛開峽方舟可通岑彭之克蜀寇兮逆流之船焚  
浮橋於烈風王濬之破吳堅兮順流之筏燬鐵鎖  
於巴東瞬息江陵兮謫仙之輕舸似箭轉盼宜都  
兮少陵之水馬如龍元白之棹來遊兮分上下而  
各別蘇黃之艇繼至兮向東南而與同廬陵遷客  
兮驚曉鼓之潭潭景陵名士兮出鐵圍之重重非  
此江之奠定何由渡彼羣公老人聞而又笑曰望  
古遙集已事安知陳人往迹吾目所空但近取諸  
目前甯無動於心者予曰若目前者吾見之矣紅  
花遠套青草長灘江口樹綠江干楚塞之穡  
歷歷爐洲之鷺團團此桑梓之熟觀又奚用其盤  
桓老人曰非此之謂也竊爲發其端觀水有術必  
觀其瀾虎牙之水有激其湍凡茲逝者作如斯觀



且領會其當境勿馳驚於所難一揖而去倏不見  
人潛心自悟半晌凝神伊始若散人之侶何其傳  
疏瀹之薪予其從流下而返兮尋岷山以問津

三遊洞賦

劉家麟

粵峽山之峻削羗廻日而凌霄卓萬峰之巖巖布  
百里以迢迢望青冥而無盡陟嶮巖以獨超既特  
立而無偶乃妙闢而奇標若夫大江之濟南津之  
口峻嶺遙橫盤石乍剖燁蘿爲徑猿鶴相友苔乳  
流清麋鹿共偶洞傳三遊之盛迹名乃依古而不  
朽蓋有唐之中葉元與白而爲三曾梯危而絕滑

乃得肆乎幽探咏巖阿以永夕暢愉懌而情融  
嘗過之矣請得爲執事發其凡洞以內空穴崕訝  
錦理橫斜或筍而垂或芥而痂或坦而露或窈而  
窵去崖丈許之地有三門焉中巨竇狹平均無表  
乳凝爲柱文旋如蝸由門以入其奇更加納山光  
之明滅窺雲影於遼遐如鐘斯擊如鼓斯搥聊投  
石以小戲應如響而不差洞以外山嶺平列溪流  
怒洩或倚戶以來青或繞足而飛雪勢如往而仍  
復聲忽揚以乍闕衝回風其襲裾瀉哀湍而清魄  
雲封樵徑歌夕照以歸深沙擁漁汀漱春泉而吐



潔皆可以鎮囂滌煩暢然心說其草木則蓊鬱蔚  
 萃密叢掩曖連叢接枝盤根固蒂藏伏虎而可疑  
 嚶鳴禽之來憩其古迹則豐碑偃石雄文奇字矯  
 若龍翔翩若鴻逝元白謳吟縷縷審諦坡谷嶙峋  
 遊踪是繼固皆傳靈異之迹於山川而留筆墨之  
 於薜荔此則三遊洞之大都也執事臯比之暇倘  
 試遊之乎則願駕不繫之舟抽利涉之楫溯浩蕩  
 之波借幽閒之客載清釀飭殺核扶邱杖躡巖屐  
 青雲屏白石席山風笙溪泉笛攬筆成咏道古人  
 之往迹而思也獲侍其側亦將賡餘韻而浮太白

紅梨花賦用歐陽修黃楊樹子賦韻

爾乃鳥集上林舊巢芳樹鳳來空谷開憶孤相透  
 令洛陽之客罷聽長樂之鐘江山信美酒盡非空  
 披溶溶之夜月拂淡淡之春風共徘徊於檻外爰  
 吟賞於庭中則有艷奪朱欄光浮素壁香飛雪而  
 凝脂根蟠江而圻石絳莖如旖旎皮類緗青傍  
 柳眉既展而猶顰灼灼依桃浪欲平而還激惟刺  
 史兮傳觴並琴堂以生色廿四番之花信春到天  
 涯六一公之風流堂餘古跡悵題額之空存懷美  
 人兮永隔嗚呼絳雪風迴繁香露滴久同厄閤於



黃楊渺焉千葉其誰識今者手重植以如新  
與年而俱積由藥纔萌雪霜頻歷匪名葩  
夫君兮太息如遊老圃晚節彌香即傍高樹長柯  
不易是以一枝可借永懷南國甘棠千匝無休尚

憶廬陵遷客

爾雅臺賦

以詩無遠詰取其近正為韻

郭海

流覽三峽水勢東之荆門虎牙山影參差雄關要隘西楚邊陲騷人屈宋上補風詩東晉偏安江左乖違中原擾攘惠懷之時景純潛結夫媿呢

建平出守定省秘歸既涉江而作賦復考古以興

思遠疏經籍爰建臺池廼煩圖度相彼土宜於是

清濁分其高下炎蒸定其有無南火北水安其位

東水西金處其隅經之營之中央以冠遙遙相望

兮千頃墨池之浪朗朗相對兮一輪明月之珠象

三歸與九層兮襟長江而帶兩湖爰歷戶庭亦披

門闥斐几文窓爽塏軒豁互列生徒天涯契濶墨

舞筆歌釋名包括為六藝之鼓吹其羣書之抄撮

似測景之嶽嶽追姬公之博核挈繡衣以維新超

青囊其若揭悵神州之陸沈寄萍梗於天末讖綿



學攬其艱深清談人殊其特達則有候鳥珍禽修  
林茂樹岸幘憑闕清風拂塵撫景懷人飄然遐舉  
歎避地之無聊因藏身於訓詁原自積累以大撮  
圭而取規方以成因似而聚周禮儀禮昔並列爲  
典常相如子雲曾精心於寒暑菴舍此其何之歎  
茫茫乎九宇思歸去兮寰中早定於卜筮不下來  
兮廟上無憂夫風雨爾乃憑眺淒其瞻觀迷離傷  
烈火之燒殘兮辨土黑於秦灰自斯臺之既建補  
士德以無虧塞中州之黃壤羗布地之四維憑圖  
經以核實宜父老兮傳疑爰尋遺址復得初基廡

堂構之重建與經疏而俱垂物可窮夫貳負識不  
悞乎彭蠡彼夫浪湧金山井留浙郡雖考古而傳  
訛猶聞風其思奮矧臺池之具存於粉榆爲尤近  
詢謀則僉同不疑考文則述異徵信念著作之成  
家廣援据以立訓能不歷覽遺墟緬懷餘韻况乃  
羹山北拱以端巖萬道南來而靜正東望則對馬  
千尋西顧則黃牛萬仞有時而春兮倚青陽發生  
以升騰有時而夏兮舒芙蓉激艷以輝映或則秋  
兮又鱸鮓鮓之喧於繫枋或則冬兮照雨霓霄  
雪之皎於明鏡每登眺以徜徉覺風華其馳騁豈



身法集元卷二十四  
惟墨客騷人之所探奇抑亦碩學名儒之所紀盛  
者乎亂曰嗟章華之適游玩兮紛燕豎而滿日蒿  
萊登戲馬之試馳騁兮過彭城而霸圖興哀感銅  
雀之貯美人兮委田父而瓦礫成堆營凌霄之竊  
大名兮棄涼州而諫議同來孰若此之閱千六百  
祀兮猶巋然不沒於九達

太極石賦

林大禮

惟西陵之故域實南國之名疆天既開夫圖畫地  
亦露其文章河標名於瑪瑙溪接跡於蒼茫水鱗  
鱗而起殺苔郁郁以流芳每凌波而採石若隕星

而吐芒別有普溪之北院庄之陽有石斯蘊因剖  
而彰掘地似循於禹迹補天偶棄於媧皇遂鍾山  
川之氣還依瓦礫之場豈混沌之乍闢經雕琢而  
或傷欲匿瑕而耀采必刮垢以磨光其直上則尖  
合浮圖爰疊分乎等級而橫開則形符太極幾莫  
辨夫陰陽凡茲形之外著皆有美之中藏惟本豐  
而末銳乃體圓而用方試展河圖靈蹟同昭乎元  
象即呈蓮座高標亦跨乎穹蒼訝龍孫之解穉知  
文筆之呈祥縱墨磨而虛受還屏列而高張蓋道  
元水經之所未註而廬陵硯譜之所不詳非巧鑿



於良工之手何持達於君子之堂然而天生是獨  
地遷弗良窮一隅之所產應四方而莫償羅珍奇  
於耳目竭閭閻之脂肪物有尤而可好事有微而  
必防彼乳復謠徵於子厚而珠還跡著於孟嘗匪  
好名之爲累繁清德之遠揚羞自葆其堅白曾何  
愛於琳瑯長袖可籠漫下米顛之拜方舟莫載還  
輕陸續之裝

爾雅臺賦

以詩無達詁取  
其近正爲韻

楊可榮

懿夫一臺鬼壓萬古留貽橫江城而崑崙雜燵舍  
以迷離月影分明疑編書而映雪墨痕隱約還洗

而臨池蓋爾雅因箋疏而著而景純實僑寓於  
斯邈元公之割制賴卜子以操觚誠九流之奧旨  
亦六藝之膏腴尼父事君旣以宏其睿藻史佚教  
子於焉授厥良模慨簡編之散佚致經學之榛蕪  
漢武雖旁搜夫典籍約文幾莫辨於須臾非終軍  
之淹博誰知本於聖謨顧鼯鼠叅稽雖數典不忘  
其祖而蟲魚瑣屑恐沿訛或失於誣幸哲士挺生  
於閩喜而芳踪偶寄於宜都隨五龍以南渡闢二  
臺於西隅類聚羣分注天祿石渠所未有句櫛字  
比增蘭臺蓬觀所本無爾乃建址閱深象形殿遠



闢廉角以端凝開層軒而竦拔移中州之土脉五  
德均調搜寰宇之珍藏萬象囊括由是士知窮經  
人爭學古既多識於鳥獸草木亦旁訂乎魯魚帝  
虎咀前哲之精華從予心之機杼將觸類而旁通  
豈拘牽於訓詁况夫登眺抒懷徘徊細步武邈往事  
以悠悠憶高標之栩栩南瞻葛道竦霄漢之文峰  
東望荆門障狂瀾以砥柱鎮境則闢界三千西陵  
亦去天尺五原斯城南山亦於臺而有取江山  
文藻長思繼彼高蹤風雨荒臺胡空餘茲累土嗟  
乎高風不再勝跡徒垂問字亭空楊子雲餘茲雅  
致翻經臺圯謝康樂渺矣風規何山谷之留題僅  
標竹軒於也足抑康成之教授徒植書帶於不其  
豈知爾雅之遺實於聖訓爲近展卷流連投書思  
憤知有美之必傳冀斯文之再盛蟪蛄錯識笑蔡  
謨不熟貽譏埤雅嗣成羨陸佃著書自命猛勵前  
修力當後勁琳瑯縹碧既研思於詞壇丹雘垣墉  
應勿忘夫先正雲霧撥而明月光池塘開而積水  
淨復晉代之風流來高人之游泳時沾墨浪盈兩  
袖以香濃倘贈筆花麗五雲而輝映

書啟



宋

與尹師魯第一書

歐陽修

某頓首師魯十二兄書記前在京師相別時約使人如河上既受命便遣白頭奴出城而還言不見舟矣其夕及一作得師魯手簡乃知留船以待怪不如約方悟也奴懶去而見給臨行臺吏催苛百端不比催師魯人者有禮使人惶迫不知所爲是以又不留下書在京但深託君况因書道修意以西始謀陸赴又無馬乃作此行沿汴絕淮泛大江凡五千里用一一十程纔至荆南在路無附書處不知君貺曾作書道

修意否及來此問荆人云去郢止兩程方喜得作書以奉問又見家兄言有人見師魯過襄州計今在郢久矣師魯歡戚不問可知所渴欲問者別後安否及家人處之如何莫苦相尤否六郎舊疾平否修行雖久然江湖皆昔所游往往有親舊留連又不遇惡風水老母用術者言果以此行爲幸又聞彝陵有米麴魚如京洛又有梨栗橘柚大筍茶薺皆可飲食益相喜賀昨日因叅轉運作庭趨始覺身是縣令矣其餘皆知昔時師魯簡中言疑修有自疑之意者非他蓋懼責人太深以取直爾今而思之自決不復疑也然師魯又云關於朋友此似



未知修心當與高書時蓋已知其非君子發於極憤而切責之非以朋友待之也其所爲何足驚駭路中來頗有人以罪出不測見弔者此皆不知修心也師魯又云非忘親此又非也得罪雖死不爲忘親此事須相見可盡其說也五六十年来天生此輩沈默畏慎布在世間相師成風忽見吾輩作此事下至竈門一作老婢亦相驚怪交口議之不知此事古人日日有也但問所言當否而已又有深相賞歎者此亦是不慣見事人也可嗟世人不見如往時事久矣往時砧斧鼎鑊皆是烹斬人之物然士有死不失義則趨而就之與几席枕藉之無

異有義君子在傍見有就死知其當然亦不甚歎賞也史册所以書之者蓋特欲警後世愚懦者使知事有當然而不得避爾非以爲奇事而詫人也幸今世用刑至仁慈無此物使有而一人就之不知作何等怪駭也然吾輩亦自當絕口不可及前事也居閒僻處日知進道而已此事不須言然師魯以修有自疑之言要知修處之如何故略道也安道與予在楚州談禍福事甚詳安道亦以爲然俟到彝陵寫去然後得知修所以處之之心也又常與安道言每見前世有名人當論事時感激不避誅死真若知義者及到貶所則戚戚怨嗟有不堪



之窮愁形於文字其心歡感無異庸人雖韓文公不免此累用此戒安道慎勿作感感之文師魯察修此語則處之之心又可知矣近世人因言事亦有被貶者然或傲之狂醉自言我爲大不爲小故師魯相別自言益慎或無飲酒此事修今亦遵此語咽喉自出京愈矣至今不習飲酒到縣後勤官以懲洛中時懶慢矣彝陵有一路祇數日可至郢白頭奴足以往來秋寒矣千萬保重不宣修頤首

再與尹師魯書

某頤首自荆州得吾兄書後尋便西上十月二十六日

到縣倏茲新年已三月矣所幸者老幼無恙老母舊不飲酒到此來日能飲五七盃隨時甘脆足以盡歡修之舊疾漸以失去亦能飲酒矣不知師魯爲况如何到此便欲遣任進去又爲少事且遣伊入京師於今未回前者於朱駕部處見手書略知動靜彝陵雖小縣然評訟甚多而田契不明僻遠之地縣吏朴鯁官書無簿籍吏曹不識文字凡百制度非如官府一一自新齊整無不躬親又朱公以故人日相勞憫時頗有宴集加以乍到閨門內事亦須自營開正以來始似無事治舊史前歲所作十國志蓋是進本務要卷多今若便爲正史盡



東海縣志卷二 四  
宜刪削存其大要至如細小之事雖有可紀非干大體  
自可存之小說不足以累正史數日檢舊本因盡刪去  
矣十亦去其三師魯所撰在京師時不曾細看路中  
昨來細讀乃大好師魯素以史筆自負果然河東一傳  
大妙修本所取法此傳爲此外亦有繁簡未中願師魯  
亦刪之則盡妙也正史更不分五史而通爲紀傳今欲  
將梁紀并漢周修且試撰次唐晉師魯爲之如前歲之  
議其他列傳約略且將逐代功臣隨紀各自撰傳待續  
次盡將五代列傳姓名寫出分而爲二分手作傳不知  
如此於師魯意如何吾等棄於時聊欲因此粗伸其心  
少希後世之名如修者幸與師魯相依若成此書亦是  
榮事今特告朱公字一介馳此奉咨且希一報如可以  
便各下手只候任進歸便令齎國志草本去次春寒保  
重

回丁判官書

九月十四日宣德郎守峽州彝陵縣令歐陽修謹頌首  
復書於判官秘校足下修之得彝陵也天子以有罪而  
不忍即誅與之一邑而告以訓曰往字吾民而無重前  
悔故其受命也始懼而後喜自謂曰幸而謂彝陵之不  
幸也夫有罪而猶得邑又撫安之曰無重前悔是以自



東坡志林卷之二十四  
幸也昔春秋時鄭詹自齊逃來傳者曰甚佞人來佞人來矣此不欲佞人人其邦而惡其來甚之一作之辭也修之是行也以謂彝陵之官相與語於府吏相與語於家民相與語於道皆曰罪人來矣凡彝陵之人莫不惡之而不欲入其邦若魯國之惡鄭詹來者故曰彝陵不幸也及舟次江陵之建寧縣人來自彝陵首蒙示書一通言文意勤不徒不惡之而又加以厚禮出其意料之外不勝甚喜而且有不肖之心焉夫人有厚已而自如者特其中有所以當之而不愧也如修之薄少無師傳而學出已見未一發其蘊忽發焉果輒得罪是其學不本實而其中空虛無有而然也今猶未獲一見君子而先辱以書待之厚意以空虛之質當甚厚之意竊懼既見而不若所待徒重媿爾且爲政者之懲有罪也若不鞭膚刑肉以痛切其身則必擇惡地而斥之使其奔走顛躓窘苦左山右壑前虺虎而後蒺藜動不逢偶吉而輒奇凶其狀可爲閔笑所以深困辱之者欲其知自悔而改爲善也此亦爲政者之仁也故修得罪也與之一邑使載其老母寡妹浮五千五百之江湖冒大熱而履深險一有風波之危則叫號神明以乞須臾之命幸至其所則折身下首以事上官吏人連呼姓名喝出使



拜起則趨而走設有大會則坐之壁下使與州校人役  
爲等伍得一食未徹俎而先走出上官遇之喜怒訶詰  
常斂手慄股以伺顏色冀一語之温和不可得所以困  
辱之如此者亦欲其能自悔咎而改爲善也故修之來  
也惟困辱之是期今乃不然獨蒙加以厚禮而不以有  
罪困辱之使不窮厄而得其所爲以無重悔如前訓可  
謂幸矣然懼其頑心而不知自改也夫士窮莫不欲人  
之閱已然非有深仁厚義君子之閱矣疑則又懼且慚  
焉謹因弓手還敢布所懷不勝區區伏惟幸察

與薛少卿書

某頓首再啟東園一別自夏涉秋今倏冬矣泝沐絕淮  
泛大江凡五千里一百一十程纔至荆南見家兄言出  
京時有公期書渴得一見要知別後事然數日尋之不  
見遂已某自南行所幸老幼皆無病恙風波不甚惡凡  
舟行人所懼處皆坦然而過今至此嚮夔陵江水極善  
亦不越三四日可到又聞好水土出粳米大魚梨栗甘  
橘茶筍而縣民一二千戶絕無事罪人得此爲至幸矣  
祇是沿路多故舊相識所至牽率又少使人作書入京  
公期始約今冬赴絳州必非久行矣每憶君謨家會頗  
如夢中未知相見何時惟自愛而已因人便附書在君



東海縣志卷之二十四  
貺處乃可達今因遣白頭奴入京謹附狀不宣

夔陵上運使啟

修近以狂言當蒙大譴荷乾坤之厚施全螻蟻之微生  
得一邑以庇身使之思過竊三鍾而就養猶足爲榮獲  
在公麻是爲天幸伏以運使郎中懿猷經遠茂業康時  
當一面之利權竦百城之威譽凡居屬部皆仰餘輝顧  
此孤生最爲沈迹時蒙眴睐曲賜拊存安其惶懼之心  
懾乃危疑之慮敢不銘之肌骨佩恩紀以無忘策其筋  
骸盡疲篤而爲報將謀就道即遂公趨瞻企門閤忭愉

謝朱推官啟

某啟伏念某出自寒鄉本非茂器束髮州里絕無一日  
之評彰纓王畿竊階羣俊之後加以識非遠到才不及  
中惟至治之方隆顧上官之並恪躋繁之不失職咸盡  
其能庖祝之各有司悉共爾位豈伊不列遂敢奸官因  
忿躁之使然奮狂愚而不顧惡訐爲直仲尼之所深譏  
盡言招人武子之猶不免在於庸妄宜抵譴訶尚賴至  
仁特加寬議投之遐僻使自省思猶寸祿以事親守一  
同而庇邑有民與社足爲政以効勤退食自公敢忘心  
於補過是惟天幸徒自醜顏伏遇某官式佐郡符屈臨



東湖志卷二十四  
賓席烜赫天下方想於風猷從容幕中暫爲於府望是  
惟辱昧得庇光華然而從事有便宜之權縣吏本徒勞  
之迹負弩而隨伍伯當備前驅折腰以揖上官敢羞歛  
板况茲選懦素本孤危犯忌於時竄身無所棄芻道上  
過者踐之搖尾竄中人誰憐爾豈謂某官哀其慙朴賜  
以存憐削去常儀自敦高議猥因介使先辱長緘過形  
溢美之辭曲盡至勤之意片言之辱榮於儀父之褒一  
顧所臨增其大呂之律徒益撝謙之盛美豈宜鄙陋之  
敢當歲律已殘寒威方肅更祈珍攝以副傾依  
國朝

復夔陵鎮嚴公偉書

王新命

接讀大教兼示圖冊古人借箸聚米亦不是過敬  
服敬羨匪直感同舟共濟之雅也第以書生未嫻  
方略管窺蠡測何足以應虛問但昔備員樞曹與  
叅機密竊留心形勢仰質高明未識有當於萬一  
否第本蜀人素知譚逆行徑知其必不敢順流而  
下何則彼之所恃者險也若舍險而出則首尾不  
相接應况舟艦未備急流何以濟涉其不敢者一  
也且此逆年逼桑榆止求爲苟全之計蓋當時西  
山逆孽竊據彼地者二十餘年今數年以來雖經



効順料其積儲未厚窟穴難離其不敢者二也夔  
巫一帶地方遼阻人煙斷絕無可守禦彼亦何所  
利而欲得之其不敢者三也至於歸巴接壤巫山  
我兵豈敢坐視但夔門天險灘高水激語云一夫  
當關萬夫莫敵與其勞師逆流以攻之不若先由  
大昌大甯以撓之然後乘機攻取之爲得計也再  
弟之所慮則在施州一衛蓋以地處萬山之中可  
以潛通逆境必得撥精兵一支駐防其境則既可  
以絕其聲息又可藉石砦酉陽諸土司爲我屏藩  
矣若興山一帶亦無足慮鄙見臆度如此惟在老  
親臺驚人智勇乘時酌行也船隻已設法預備  
又准部文轉檄矣饋糧轉餉自當悉力支持以供  
軍國重務不煩台念瀆陳不恭伏惟丙照憑械翹  
企以上舊志

桃花魚賦

孝感徐章

伊兩儀之蘊道兮賦萬物而著形脰煦嫗之無私  
兮咸具性而載靈雖飛潛之各殊兮必象類而錫  
名疇命爾以天灼兮爲水族之領袖豈息媯之賸  
粉兮抑瑤臺之落英擅穠華於練淨兮託豔質於  
沼清會東風之澹蕩兮逐春波而容與暴細鯁於



綺霞兮點纖額於紅雨鋪文若以爲宮兮牽麗藻  
而作府慎魴鯉之出入兮效比目而命侶恐爲枯  
肆之索兮甯响沫而其處肯以數寸之孟兮易江  
湖之樂土色之無別於水兮初若睹而弗見形之  
疑假於烟兮體實真而非幻方游泳之可掬兮甫  
入手而已變怪闢翁之莫察兮瞥驚閃而繞綫旣  
無首而無尾兮時若隱而若見復不介而不鱗兮  
亦非萼而非瓣胡不宅桃花之潭兮深千丈而安  
居胡不穴桃葉之渡兮耀韶華而美如嗟網罟之  
誰偏兮日貪求於津漁匪賓筵之足饌兮徒供玩

於斯須

畜之不可久

信耳貴而目賤兮嘆虛名之禍軀

盍微物之取鑑兮敢無實而耍譽

爾雅臺賦

以閉戶著書多歲月爲韻

馬毓桂

晉統三傳胡氛四蔽銅駝埋荆棘之中玉馬出兵  
戎之際寇抄聞喜避遷則跡恐遲留父守建平定  
省則心知早繫祗以僉壬弄柄朝祚欲傾因於典  
午膺圖寢門思閉時則有郭景純者方解客琴忽  
驚官鼓爰近傍乎衙齋復別營乎堂廡斤揮上國  
之材輦運中州之土墻腰廣拓豈惟闕地弓三屋  
甬高撐差似離天尺五除却役興北郭以外無臺



緬來僑寓西陵其中有戶爾乃負盛名得佳處殫見聞精思慮靈機頓湧而來俗務胥排以去制興中古十九篇義待參詳文出別今十八載功成考據從魏張揖以溯源繼漢李巡而爲疏不資心解誰遵孔聖之傳非藉手編豈曉姬公所著由是繁徵鳥獸瑣究蟲魚倣註經於蓬觀希校字於石渠食誤虻蜚謝尙之嘲未遠文詳鼯鼠竇攸之對匪虛沿東漢咨臣以上及西河教士之初獨憑乙夜鑽研搜無剩義幾費庚晨考訂輯有成書題名爾雅接迹誰何本是前身明月臺猶爲號原非故里

大風臺豈作歌臺外則參差戶影臺內則罨映池波倚臺則城開百雉繞臺則髻擁千螺挹西塞之霞光祥凝第側承東山之靄氣秀聚門阿嘉惠於士林不少壯觀於郡邑實多若夫戲馬矜雄呼鷹養鷹射雉搏歡鬪雞成契龍欲玩而移情鹿如遊而失計非不逞豪華爭偉麗而落成僅助間吟經始徒供遠睇豈若書藏三卷展卷不忘大定之年墨洗一池臨池猶記永嘉之歲也哉是雖故國睽違異鄉播越足仍效乎庭趨身未從乎朝謁究留廣雅埤雅資以揣摩兼令撰文釋文付諸剞劂學



符絳帳而有餘才運青囊而不竭恥後嚴遵管輅  
操術名家拚先周顛戴淵舍生報闕昔去芳徽原  
渺一座寒侵臺面風今來舊蹟尙存三更朗印池  
心月

三遊洞賦

魯先榜

客有過下牢津者呼舟子而繫船遇山僧而汲甕  
疑古廟之在中遂隨行而目送四望皆山一峰出  
衆峻嶺之間橫開一洞客曰噫嘻此洞也胡爲而  
有悵望多時適逢一叟爰傾蓋而致詞遂共談於  
谷口叟曰欲詢自始太古初分天造地設今見昔

聞中空而石外密以雲林煙是畫溪水成紋原原  
本本吾欲云云有唐元白名著古今友朋共好伯  
仲偕臨梯危繩滑履險入深登高索句卽景聯吟  
曾優游以小憩留空谷之好音迨宋三蘇臨流息  
駕以泳以游永朝永夜有亭吏之乞詩遂佳名而  
可借統前後之三游傳人生之代謝客乃步苔蘚  
披草蕪別老叟問僧難雲屏石座雪乳泉珠嗟前  
不留而後奚在還當傾倒乎數壺俄焉千縷雲生  
半規日沒樵擔遠歸漁歌晚發可往可還且行且  
歇扶竹杖而登舟不覺波心之點月



得赴竹林遊登世不覺遊世之凡

千秋日安樂謝世世世世世世世

不留而安矣在豈富而論平燧燧燧燧

好草蘇限步與問曾職雲氣百氣雲度

何計怒而對之三流斯人坐文外橋客

驚以飛以流飛飛飛飛飛飛飛飛飛飛

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三

曾對流以不驚留空谷文我昔曾宋三



